

周禮為治平書莫要于理財理財者胥國計民生而一以貫之者也

朝廷設立衙官慎度支權出納內則司農彙其總外則方伯董其成況江左為古揚州厥土塗泥厥田下下自前明以來賦稅肩天下之半而其事更繁劇率難周知乎始末洞悉夫源流也平江華鶴洲先生從事薇垣于趨公之餘輯成一冊錦悉心檢閱井井然有條不紊使舉而措之放而準之將循吏報最大吏考成悉權輿於此而地方設遇災歉恩綸沛洽積儲賑貸皆有成法可循以及生息各章程即入為出者地雖古食貨志鹽鐵論未有加焉且三吳為一大都



會既稱人文之淵藪更為賦課之大源不特

天家供億半仰給于東南而常年河防海塘之工用

內府金銅布帛之資本協濟他省之餉需故解支較他處為鉅

而歛目惟我吳獨多兼之因時以定制酌盈以濟虛思利  
于

國而欲不困于民錯節盤根良不易理此書細大畢張綱領  
悉備不獨後進者有所楷模抑寔堪為異省所取法日後  
鉅諸梨棗將使不脛而走天下爭先覩之為快行見洛陽  
復使紙貴非僅為我同人承接之金簡玉字書也

道光丁亥六月之望

玉峯諸以錦序

蓋聞欲苗之秀者必分其畦欲貨之植者必利其品然後  
刈穫盈而貿遷利未有漫無法則而能有成者况維王建  
邦兵農財賦之大已乎我

朝用人理財邁于往代慮催科之混淆也則定賦役全書以  
明之顧牧令之因循也則會輯訓飭州縣規條以教之厥  
後荒政瑣言治河方畧等書凡有關於國計民生者莫不  
頒守弗失然皆垂訓於一端若以通省之全政會集成書  
而能使學者按部就班頭頭是道卒未之見余友鷺洲華  
君系由世閑秉性端方卅年習吏惟政是求而于錢糧出  
納之綱領款目勾稽之來歷熟玩詳解將頻年所見所辨

566484  
ag. 4. 1939



之事乘間摘記不數載而彙成一編凡金穀之政靡不羅  
列名曰蘇藩政要其文約其事備不特可為習吏津梁之  
助抑且大吏考成悉權輿於此惟政令隨時而變尤望讀  
是書者續加修輯庶不負華君創述之苦心焉是為序

道光丁亥六月之望

辱弟

管音青綱  
李模補愚撰

### 蘇藩政要卷上

#### 總科銷核錢糧節畧

一地漕等項錢糧係民間業田每畝所完上下兩忙條銀也  
前明田有田賦丁有丁賦田賦按畝徵輸丁課按人派徵  
抵支當差徭役之用而人丁歲有增減丁課亦年額不同  
本朝康熙五十一年奉

詔丁隨田辦永不加賦統歸田地項下併徵此係

國朝仁政也在民祇知歲納兩忙白銀在官須照賦役全書

區分款項解藩庫者地丁損腳存縣支給者官役俸工官

俸祿役祭品祠廟壇宇春秋驛站備支驛中夫馬遞送文  
之工食二祭品物也報工食料乾及往來差



使水腳 解道庫者漕項其地損俸工由藩司分忙奏報驛  
供應 站一項由臬司奏銷漕項由糧道分忙提解奏報而漕項  
奏銷歷下一年造辦假如甲年漕項應于丙年二月底內核  
計州縣完欠分數造冊詳由漕院奏咨 糧道每年催完漕  
米即于來春押運  
北上秋末回南 又產鹽之地有徵鹽課一款蘇省惟松太  
是遞一年辦理 二屬田地項下有此徵解浙運司于次年查明完欠造冊  
詳由浙鹽院辦題至地丁損腳二項正款例于每年二月  
起徵四月完半十月全完而每忙各分三限徵解如上忙  
于二月初旬通飭設櫃開徵二月底為初限三月底為二  
限四月底為三限五月至七月為農忙停徵下忙于八月

江甯奏銷例于六月底截數

初旬通飭啟徵八月底為初限九月底為二限十月底為  
三限例載雖限十月全完而奏銷例于次年五月底截數  
查造地丁損腳完欠分數職名及俸工丁田老荒各冊于  
六月內詳由撫軍主政題報向無分忙奏辦之制經  
初署撫軍奏奉部議從嘉慶二十一年起逐年按忙由司  
道將一任應徵地損襍稅蘆課漕項正耗一半錢糧核明  
完欠同舊欠已未完數造冊詳由撫院主政奏咨上忙係  
于六月底截數七月內造報下忙十二月底截數次年二  
月內造報 因屆封篆是以  
遞下一月詳辦 ○正項錢糧並徵耗銀由來尚  
矣從前官無養廉吏無紙張飯食歲需辦公薪水悉于賦



外加收分支抵用原非定制本

朝雍正六年間奉

旨不許加累于民則外省官吏公用無出皆以陳告遂按省分  
歲用經費即在土出之貢隨正加徵名曰耗羨舊有之耗  
併歸正項解充 國帑由是文職各官養廉書吏紙張飯  
食并地方襍支公用各官均于耗羨內議給惟因各省賦  
與經費多寡不同隨正徵收耗羨銀數亦不畫一即如蘇  
省蘇松太三屬錢糧額重每徵一兩隨收耗銀五分常鎮  
二屬賦輕隨收耗銀七分是以他省有徵八九分及加一  
之耗銀也乾隆四十六年奉

江安兩省教職有俸無廉

康熙四十二年各省武職酌給  
親丁名糧乾隆八年欽奉  
諭旨改為養廉名糧刪去親  
丁名目于乾隆四十六年令天  
下武職均准添給養廉

旨議給武職官弁養廉除以耗羨餘項撥支不敷銀兩議動正  
項之損脚存公之匣費及文員節省養廉等款湊給而每  
年隨正徵解各項耗羨由司于次年地丁奏銷後將耗羨  
收支細數彙核查造四柱冊詳咨報銷地損蘆課襍稅屯  
由屬解司漕項耗羨隨正解道彙解司庫松太二屬鹽課  
耗羨內二分解藩庫三分解運庫揚關海關稅餘由關解  
司

一屯折錢糧係旂丁之屯田歲完條銀也屯田襍在民田之  
內旂丁收租完賦由衛幫官催徵統于下忙限內解司旂  
春初運糧北上秋末回收入季撥估餉冊內報部撥用次  
南故于下忙限內徵解收入季撥估餉冊內報部撥用次  
年五月內截數隨同地丁查造完欠冊奏報隨正耗羨解

所以向不查造分忙冊



損脚係當年各省辦解顏料布疋飛金赴部所需合任土作貢之本意今則改為奉部採買顏料銀兩統歸地丁支銷此項損脚解司報撥委非起解錢糧之水陸脚費也

牙稅每戶一兩至二兩數錢不等

田房稅每契價二兩納稅三分  
典稅每戶每年納稅五兩  
京口驛馬稅由鎮理事徵解耗銀

道光十九年裕升司通飭定例  
牙行五年編審係指在京牙行外省不得援辦如有曾經辦理者概行停止  
又民間產如已滿三年原主不贖者即作絕論不准加找銀兩

司支用彙入各項耗羨造冊報銷徵收分數蘇州太倉鎮海金山四衛幫每兩隨徵五分鎮江衛每兩隨徵七分

一損脚錢糧係地丁欸內分出按忙解司而其來由民輸錢糧于官官為起解水路則須舟楫水脚陸運則須車馬損夫諸費攤徵于民謂之損脚也此欸附同地丁奏銷按年造冊奏報如有未完照襍項錢糧例議處不計分數考成徵收耗羨隨正解司彙入各項耗羨造冊報銷

一漁課錢糧係于漁戶名下徵輸併入地丁解司並不專欸另解亦非田地項下徵完之項

一襍稅錢糧有五一日牙稅係民間開張各貨行舖請頒行

帖歲完之稅一日典稅係城鄉市鎮開張典當請帖歲納之稅一日牛猪稅係估價牛猪經紀請給司帖歲完之稅

各屬或有或無一日洲場稅係有沙洲之地民間棄買沙洲輸契之稅

蘇省惟靖江丹徒二縣有此徵解一日田房稅係民間售買

田地房產輸契之稅輸契之憑名曰契尾係鈐司印由縣

司頒契尾粘連于契之請發或百或十備民隨時輸請即將

後即名紅契給民執業以上牙典牛猪三項歲有定額田

房洲場二項數無一定緣民間產業賣買不能預必是以

例載儘收儘解皆由州縣分忙解司收入季撥估餉冊內報部充餉按年查造分忙完欠冊詳奏並於次年五月底截數造冊與地丁奏銷詳送撫軍一疏題報徵收耗羨隨



正解司彙入各項耗羨造冊報銷甯屬江都等縣田房稅課程科經管因隸戶屬故附總科內歲有定額○再襍稅係

一學租錢糧係各屬縣學教官歲收租米變價之款也學田亦襍在民田之內由學徵收租米除納條漕外餘即額解司庫學租並不分忙提完例于次年五月內截數查造完欠冊隨同地丁奏銷詳院一疏題報徵收耗羨隨正解司彙入各項耗羨造冊報銷

一地丁奏銷冊有四一曰丁田冊一曰俸工冊一曰老荒請補冊一曰地丁正耗完欠職名冊縣冊造齊再將四項之冊各結查造府州總冊復結司總總冊同屯折襍稅學租

地丁奏銷如遇司庫交代准展至交代清楚後造報嘉慶四年案

空缺降罰五項款冊及南糧完欠職名冊併敘總詳請院題報○丁田冊係人丁田地應完額賦之總目也是以將一縣歲應徵解地丁損腳俸工祇應驛站漕項鹽課等項按款排順臚載後結正耗總數須照全書之數造報如報有陞科坍荒田畝應豁應增各款正耗皆須按款增除至人丁數歲有滋生須照民數冊內加增而年分有閏無閏之別是須查照上屆有閏照有閏無閏照無閏辦造方無歧錯也○俸工冊係官俸役食廩膳祭祀等項應支銀數之冊即于地丁項下編徵支給向不解司自乾隆五十二年奉文彙解司庫放給後于嘉慶五年經陝甘制軍松筠奏准仍歸



在縣徑支按年由司查明官役應支俸工額數核除老荒并照官生空缺冊內登除空缺拉見寔支辦造細冊如遇大灾蠲缺亦須按其俸工逐一驗攤登造○老荒冊係俸工項下老荒之數除長洲元和吳江震澤陽湖無錫金匱江陰丹陽金壇溧陽崇明等十二縣並無老荒外其餘皆有老荒之由緣從前各屬坍荒地應按全書各細數按款驗豁是以官役俸工有除坍荒銀兩至乾隆初年奉文坍荒地應豁錢糧統于地漕二項銀米款內豁除昔之俸工項下驗豁坍荒是名老荒也所有官俸襍支款內老荒之數例不請補而各役工食因係計授之需例准將老

荒銀兩按年于地丁項下按數撥補應照上屆按年查造一冊辦送○經徵職名冊祇就地丁正耗徵解之數登除徑支祭品俸工銀款寔解地丁正耗復以解收月日分晰列明完欠再將寔解地丁銀數有閏以三百九十日無閏以三百六十日驗出每日應徵若干即以每日徵收按經徵接徵知縣在任日期乘出該徵若干再計其徵完若干未完若干驗出某任已完幾分幾厘未完幾分幾厘如後官接徵全完亦須造明後官代徵完字樣○損脚正耗完欠冊即附在職名冊之後再奏銷時如有地損正耗不符早則由司飭提補解遲則稟請諭庫畫正緣詳奏冊內不能不符造報之故又



廩生有空缺膳夫隨之  
佐膳有空缺馬夫隨之  
學官有空缺齋夫隨之  
廩生食餼十年期滿方准  
出貢

廩生告假三月以內者例不  
開缺仍支廩銀如三月以  
外即以告假日起扣空缺  
造報

廩生丁本生父母憂不扣空缺  
廩生空缺如告病以告病日  
扣起出貢以考准日扣起

教官告假省親修墓廩生  
告假例分別三月內外扣空  
造報今則無論三月內外均  
不准支

教佐署任應支俸馬于司庫  
空缺內支給原編俸馬仍歸  
空缺解司

一部議降職無級可降則與定  
降相同如知縣以上部行該  
督撫出具考語送部引見再  
降 諭旨則議以降級留  
任三年無過再行開復則可  
免離任矣如佐雜查其平日  
居官如何由督撫咨復議以  
降一級留任四年無過開復  
四年期內不准支食養廉

或一處而于一年內正署迭更縣中須將某任徵完正耗  
若干逐任于奏冊內造明送司如無分任徵完之數司中  
又須行取憑辦至于核計已未完分數應以寔該解司總  
數為法將一任已未徵解之數為寔歸之無錯也

一空缺冊係官學廩膳夫馬事故空缺應扣俸工銀數也因  
俸工銀兩例應按日支給假如甲日事故出缺丙日奉補  
有人則甲乙兩日有缺無人謂之空缺應以二日之俸工  
扣存解司例于奏銷前全完查造一冊同地丁奏銷詳院  
題報如有未完照襍項錢糧例議處

一降罰冊係各官奉議降罰俸銀之冊應于次年三月內將上  
年一歲奉到部文按官按件摘敘事由降罰年月查造一  
冊同地丁奏銷詳院題報

一隨奏冊按年于奏銷後查明上屆奏銷未完地損及過灾  
緩徵銀兩并上屆隨奏冊報未完各年地損截至上年年  
底續完銀數逐年辦造彙輯一冊于八月內詳院咨報係  
部中稽查積欠要據其漕項隨奏由糧道造報咨部

一南糧奏銷職名冊係漕米內分出一款不起運應留南存  
縣支放兵糧之用故名南糧應于二月內飭屬查造全完  
欸冊再將撥放某某營兵米若干亦按經徵接徵知縣在  
任月日驗計已完未完分數查造南糧奏冊例從十月初



停運千總養廉  
押運每幫設正副千總二員  
其在千總押運甲年漕糧即  
支押運養廉銀二百兩出運  
時在道庫先支一百兩運回  
由道給文于司庫找支一百  
兩名謂重運養廉從甲年十  
月初一日起至乙年九月底  
攤支中途如有事故計日核  
給回省後自乙年十月初一  
日起扣至丙年九月底支領  
運廉銀六十兩內乙年冬季  
為之停運其自丙年十月又  
輪重運矣

至副千總應支甲年三季重  
運一季停運乙年三季開運  
自乙年十月又輪重運矣總  
之每幫額設千總兩員一弁  
押運赴北一弁留南遞年輪  
流

另有隨帶押運千總一員  
應支廉銀二十兩出運時  
先在道庫支銀一十兩回  
南由道給文赴司支銀一  
十兩重運千總如有事  
故委令標員接運者不支  
廉銀

一日起徵至年底止以九十日驗出每日應徵若干再以  
一任該徵若干照依上屆辦造于次年六月內隨同地丁  
奏銷詳院題報

一耗羨報銷冊由各經管書查造額收額放及有定無定  
井已未完數各細冊額收者係地損屯折蘆課襍稅等款  
之耗額放者係文武養廉有定廩工  
等交付總料彙造四柱總冊于次年九十月內詳院咨部  
耗羨報銷共該造冊二十七本內收款冊十三本不送院  
不咨部存司備查內當年額徵地耗冊一本積年地耗冊  
一本各年屯折耗羨冊一本省衛屯折耗羨冊一本各年  
蘆課耗羨冊一本各年學租耗羨冊一本各年襍稅耗羨  
冊一本各年事案冊一本放款冊十四本內存司備查冊八  
本內當年額放文廉細冊一本當年徑支文廉細冊一本  
當年歸司支放款冊一本當年武廉撥足冊一本撥存下年  
武廉冊一本當年有定廩工冊一本當年無定公費冊一

本補放各年文廉冊一本補放各年有定廩工冊一本送  
院咨部冊六本內當年額放文廉冊一本當年歸司支放  
冊一本當年徑支文廉冊一本當年開運千總養廉冊一  
本各年節省養廉完欠冊一本耗羨報銷四柱冊一本耗  
存報銷四柱  
總冊一本

一存公報銷冊由專管書分別收放按款造冊結造四柱總

冊同耗羨報銷併敘一稿詳院咨部存公報銷冊共該九

冊八本內當年鹽規收款冊一本積年鹽規收款冊一本  
事案收款冊一本撥存下年武廉冊一本撥足當年武廉

冊一本當年有定廩工冊一本送院咨部存公四柱咨部總冊一本  
年有定廩工冊一本送院咨部存公四柱咨部總冊一本

一民穀數冊係年終彙咨之件每年應于八月初移行各屬

查明通境滋生故絕寔在人丁在縣責令地方挨戶編查造出并常平倉

穀一歲收支現存各數分造兩冊送司由司彙造司冊俟



甯省移到彙結省總于十一月內詳院題咨

一三撥估餉冊係春秋歲三撥季冊也凡部中撥解京餉或撥別省協餉及撥河工賑濟軍需皆憑估餉季冊核撥至本省歲支額款即照該省造報額徵地丁題請撥支春撥估餉冊如地損蘆課屯折襍稅應從上年九月初一日起至年底截數造辦若缺罰贖并咨追各事案報部襍款不入歲撥估冊自由七月初一日起于二月二十日以前到部秋撥估餉冊應由正月初一日起至六月底截數入撥報部例于八月二十日以前到部歲撥估餉冊應由七月初一日起至八月底止例于十月二十日以前到部逾限有干查議如遇司庫交代不及兼辦者例准詳咨展限其地損二款除奏銷報用外餘

皆入估餉報撥道光五年續奉部行即以地丁奏銷之數列額遞年遞季將完報銀兩入撥各數拉辦總以報撥清完為止至于蘆課屯折二款除應用之項入于奏銷造報餘俱入撥此外一切報部正項襍款解到司庫隨時收入撥簿按季造報充餉而歲撥估餉又須將各屬額徵下年地丁屯折蘆課襍稅各造一冊並造本省各標營官兵歲支俸餉舵工工食養廉各冊詳送聽部彙題指撥來年餉款是以又名經制估餉也俱詳撫軍主政咨部漕項春秋兩撥季冊由糧道詳辦

一稽穀報銷冊係各屬額設先農壇藉田租穀之報銷也蘇



約收分數如迫于出詳尚有  
二三縣未到者可以照隣縣  
分數由司代填飭知元和領  
行道光八年夏收辦過有案

咨部冊內僅列某縣收成總  
數不寫收成幾分者居十之  
幾

省每州縣設耜田四畝九分內有壇基九分歲收租籽除完條漕

外餘剩米穀變價從前按年一屆造冊送司詳院咨報迨

道光元年詳定按年于正月內飭取屬冊由司彙案將各

州縣餘剩米穀概照次年二月報部時價變易造辦即于

四月內詳咨其應解之價除每處徑支先農壇祭品銀四

兩外餘應解司入撥充餉甲年變價內撥支乙年祭品

一夏收分數冊先于夏麥未熟之時每年于二月內飭屬查

明約計成數幾分稟報由司于三月內彙摺詳請撫軍主

政奏報名曰約收分數再于刈穫之時由屬將一境寔收分數造

冊送司核造司冊同甯移到寔收冊結造省總于五月底

會詳題報名曰寔夏收分數即二麥收成分數也縣中造冊首列通

計縣總收成假如八分內再列出十分收成者居十之一

九分收成者居十之二八分收成者居十之三七分收成

者居十之四以一縣額田總數而計假如一邑額田一萬

九分收成者折見一八三千畝有八分收成者折見二四

四千畝有七分收成者折見二八合符一萬田額及縣總

收成八分至府總合計幾分收成則以所屬縣總分數併

之數也見後用歸法歸之假如松屬廳縣八處皆有八分收成八

府總亦八次列幾分收成者居十之幾係照屬冊分載散

數併計歸見假如松屬八處內四處有九分收成居十之一

分五司總收成合算分數均用五歸五乘辦造蓋因蘇藩



一州故用五  
數辨造也

一秋收分數冊係秋禾未熟之前約收之數應于七月底飭查稟報由司于八月內詳院主政辦奏仍于稻穀收成時由屬查明寔收分數造冊送由府州結總送司同江藩司移到寔收分數冊彙結省總于十月底會詳題報如遇災年須得災熟牽算詳辦此因

內廷要知各省豐歉而辦也

秋收分數縣冊祇列合計縣總收成幾分幾厘一條並無另有列出幾分收成者居十之幾細數府州司總收成幾分各照所屬併合歸見而辦法與夏收分數相同

至于災年核辦廳縣府州藩司總散各冊亦以收成幾分造出與無災冊式無異惟是災熟牽算縣中未明其故冊不妥協者應行由司頒令查造備核一冊而冊之原委筆難宣述今就道光三年被災之崇明縣秋收成分數造法列左

崇明縣

道光三年分

原額田蕩二萬二百五十一頃三十八畝二分七厘四絲四忽內

勘不成災田三千二百九十一頃二十四畝八分五厘



六毫七絲七忽以此數為寔歸見居縣額田數十分

之一分六厘二毫折寔七厘六毫一絲四忽

七分灾田四千九百九十二頃二十七畝二分四厘一

毫三絲一忽歸見居十分之二分四厘七毫折寔一分七厘

二毫九絲

八分灾田二千八百三十四頃八十八畝九分一厘七

絲歸見居十分之一分四厘折寔一分一厘二毫

成熟田九千一百三十二頃九十七畝二分六厘一毫

六絲六忽歸見居十分中之四分五厘一毫折寔一分三厘

五毫三絲

以上合符原額田數折寔縣額被灾分數共四分九厘六毫三絲四忽加以後

秋禾寔收分數應以灾熟牽算收成分數須與灾案相為

無收而被九分灾者作為一分收成如被十分灾田是為全灾

分成七分灾者作為三分收成分成六分灾者作為四分

收成五分灾者作為五分收成收成六分灾者作為六分

收成或作五分幾厘不等其餘熟田或約七八分或作

九分及有餘皆可總惟臨時察辦為要

五分三厘收成者即係勘不成灾之田居十之一分六厘二毫上

一六二乘見折寔八厘五毫八絲六忽

三分收成者即係七分灾田居十之二分四厘七毫折寔七厘



二分收成者即係八居十之一分四厘折寔二厘八毫  
七分收成者即係八居十之四分五厘一毫折寔三分一厘五毫七絲

以上合計十分折寔縣總收成五分三毫六絲六忽  
即謂五分收成也收成分數以厘為斷毫絲尾數概不列載

一錢糧完欠冊係年終彙咨之件向于每年十月內飭屬以十一月底截數查造經徵新舊錢糧完欠冊送司并移取運司糧道之漕項鹽課完欠冊到時由司將當年額徵地損蘆課襍稅屯折學租等款即以屬報為完其舊欠已過奏銷隨奏者乃憑隨奏冊報完欠核明同漕鹽二項彙造

司冊并開清單詳請撫軍奏辦仍另開造單冊由司徑報軍機處戶部查核近年未見造辦

撫憲在任盤查正盤倉項並不盤庫惟近來各項盤查高下嘉慶十二年詳咨後並未造送請將各屬盤查統歸恭任造報緣各屬盤查倉庫並盤今既歸恭任一併盤報則倉庫應行並盤于程撫憲在任盤查案內詳定此項盤查歸交案辦理者崇明道光十年詳准有案

一盤查冊其名有四一曰四月底盤查各州縣應以上年五月初一日至當年四月底截數將徵收正襍正耗及附儲各款銀米查造收支寔存四柱冊結送由府道遞加盤明加結府庫錢糧亦須造具冊結送道核盤加結一併移司由司于奏銷後彙詳請咨又名奏銷盤查州縣遇有交代例准統歸交代案內結報免辦倘交代在四月底截數之前即准以交代為舊管造辦一曰十月底盤查應以上年十一月初一日起至當年十月底止查造四柱清冊詳辦餘與四月底盤查同由司于歲底彙案詳咨又名年終



此項冊籍數與交代相照不  
遠亦可請歸文案辦理  
如土屆後已有交代亦可以交  
代為舊管

籍借養廉除知縣以上未准借  
給外其州同州判及佐貳等准  
借給如在隣省借銀千兩千  
里以外借銀四千兩三千兩以  
銀五兩為則大挑分發試用知  
縣照選補州同判例減半借給  
緣本身僅止舉人耳若中式進  
士籤掣即用知縣照知縣例減  
半借給候補試用知縣借銀一  
百五十兩如定缺知縣借銀三百  
兩候補道府借銀三百五十兩定  
缺者借銀七百兩  
部借養廉文職自道府至縣  
武職自副將至千總准借餘不  
准  
籍借養廉如由捐班徑選並捐  
復加捐職銜後因議敘得官或由  
徵求職分報捐經升轉銓選  
任外或定由正途出身先捐別項  
後經註銷仍歸本途選用外任  
查非指捐徑選均准借給養廉

盤查此係奉旨盤報之件不准請歸交代免辦 一曰莅任

盤查凡新任撫藩到任亦應分案飭屬查造冊結層層盤

報由司詳咨從前確皆循案辦送近因屬庫虧缺頻仍屢

查有虧即參前四  
項盤查俱未詳辦

一錢糧大計冊係州縣三年舉辦一次隨官員大計應以上

屆大計冊報寔存為舊管如土屆之以後年分于八月底

截數將各年各項正襟正耗錢糧米穀查造收支解放寔

存寔欠總細各冊并具無虧印結由府州道覆盤加結送

司核造司冊加結詳請兩院題報近因屬庫虧缺清查頻

雖按屆飭辦  
具文而已

一部借養廉銀兩冊係文武各官在部支借養廉作為出京

路費文職例限四季武職例限六季分別扣繳解存司庫

均于到任日起限在應得養廉內坐扣逾限不完有干議

處其試用候補人員例于委署得缺之日起限扣繳如有

參革休致改教等三項事故無著例准予任所通省官員

養廉內攤捐歸款詳咨完案係甯蘇兩屬統攤文職于道

于副將參遊都守及衛守備廉銀內攤扣倘告病丁憂回籍之員則應詳咨原

籍追完繳解該省藩庫或請于服闋病痊起用時繳解此

項銀兩解司隨收入撥造報每年于六月底截數查造按

員完欠冊詳咨再攤捐無著部廉法假如文員應于文職



前選雲南臨安同知陳鴻者在部借廉銀四百兩該員尚未到滇即在蘇籍差請終養嗣因病故請溫撫扣部駁回係在籍呈請終養不惟暫假亦非赴任在途病故可比仍于家屬名下著追道光八年部還雲南劍川州吏目王印選文批等分發雲南試用知縣陳宗獻在部請假省墓省親兼指資各在籍病故未完部廉照暫請給假例咨滇撫扣有案

甯省有奏明免派捐款各州縣如有攤扣養廉歸于課水等二十六處知攤免捐款者係包容桃源安東高郵沛縣碭山宿遷睢寧等處不免捐款而亦不加攤者上元江甯二處各省中式舉人有旗匾銀兩給發惟致賜者不給甯省中式舉人由縣給發旗匾銀二十兩

一教官應由現任省分派給一舉人雖經赴部奉有批憑錄事並未入場未經在部呈明者禮部知照單內則無其名不准給發盤纏

一舉人隨任請咨部單無名如道光九年己丑科會試梁逢辰王熙載二名在蘇請咨部單無名由蘇先行派六面移查廣籍如已派給由蘇扣留報檢如未派給由蘇給領

一會試舉人凡入會到者准給盤費若丁憂患病在途呈明地方官詳咨部省在京取具同鄉京官印結呈明禮部知照本省及戶部存案亦准給領其留京出結及各館送本省並未起咨不准給領又在籍請咨未及親實先行到京取結入場者文後到者准給領如本省雖經起咨部單並無其名不准

養廉內攤捐而道府至知縣額廉共銀三萬兩本完部廉銀三百兩即以三萬兩為法三百兩為寔歸見每兩應攤銀若干再將每員額支廉數乘之則知該攤若干矣

武職舉人會試盤纏驗派冊係資助舉人赴京會試路費之用係于各屬俸工項下編徵解司

即在條銀之內從前州縣各就本邑編款領給本邑舉人惟是各縣編徵銀數多寡不同每屆舉人會試名數不一盤纏銀兩不能均勻派給經兩廣制軍鄂奏請以一省三年屬編之款併起查照屬報起文會試舉人名數除新科舉人會試不給盤纏外

因有坊匾銀兩給發故餘俱均勻派給雍正九年奏奉

廷議通行遵辦迨因舉人起文後有事故停止與之盤纏似屬濫給是以由司憑照禮部行知入場舉人名數驗派造冊詳咨無論中與不中由其家屬請縣給文赴司領給如三年之內遇有恩科則應與歲科會試舉人均派詳咨支給放竣造冊報銷

近來報銷不辦有年矣至蘇省自乾隆二十七年隸分兩藩司而甯屬編徵銀兩較少向于蘇屬編款內協濟嘉慶二十二年奉文盤纏銀兩于舉人起文時由縣先行墊給俟奉到入場部文再行請領歸款以免部文無名數多追繳之煩也

○八旗滿舉人會試向無盤纏支給而京口八旗自道光二年議請籌給發典生息即于道光



一撥貢優貢例無學子憲行知並  
不驗派坊儀吳江股善數額領  
駁崇陽湖亦有之

一放給坊儀奉實施大數并  
陽解炳有案

一編徵坊儀通突不扣蠲者錄先  
已照額派支經蠲缺又不能撥  
補則致添定銀數不~~得~~該與應  
過驗派之舉人盤纏准其扣  
蠲者不同

一貢生坊儀道光十九年至二十四  
年一屆案內曾于派定後飭令  
蘇松太三屬徑支餘銀解司  
以抵常鎮三屬現領之用

一貢生坊儀于咸豐六年止屆案  
內詳定自七年一屆起事就六年  
一屆應出歲貢若干名將年  
編款均派如屆中遇有恩貢  
在何年考准即將何年歲貢

應支坊儀各半支給 此自咸  
豐元年至六年一屆內恩貢迭  
過各學應出應補恩貢年分  
又參差不甚至逾六下屆年分  
始補恩貢者則不能勒歸一屆  
是以內幕周次夫面定辦法并  
謂過恩之年向係以歲作恩以  
次作歲雖分多坊儀似涉苛  
刻而該生等皆因恩而早得  
出貢亦不為向隅也

漕運全書內載江浙漕糧例徵  
粳米如遇歉年米色不齊經督  
撫題明者准紅白兼收和糴納  
江省辦過有案

三年起動支生息由都統給發盤纏

一歲貢坊儀驗派冊係給每年學院考取貢生之坊儀也亦  
于各屬俸工項下編徵解放後因學貢名數及屬編銀款  
多寡不齊與之坊儀亦皆不勻經江蘇藩司張渠條奏議  
准從乾隆二年起以一省之編徵六年坊儀併計再將六  
年一屆內各學應出貢數詳請學院抄發均勻驗派每名  
應給坊儀若干造冊詳咨亦由貢生家屬檢同貢單請縣  
給文赴司支領如一屆之中遇有恩貢如在未經派定詳  
咨之前學院抄發恩貢名數者入冊均派詳咨若飭知恩  
貢在詳派之後者例將何年恩貢與該年歲貢就派定銀

數各半支給其甯屬編款亦少于蘇不敷銀兩向于常鎮  
太三屬并松屬之青浦縣六年一屆編款行屬徑解甯庫  
支放至貢生考取後不論存沒均准請給

一漕南糧米在民祇知田地每畝于歲收租米後運米赴倉  
完糧在官應照全書區分漕南二款定例十月初一日啟  
徵歲內全完而漕糧係

天庾正供春初即應交幫運北南糧留存縣倉聽撥兵米之用  
全書所謂起  
存之分別也 每年漕米向由糧道回南將各幫船派定某  
幫船受兌某縣漕米催令縣幫依限兌交其派幫換兌向  
來一年一調詳明漕院遵行道光三年經糧道宋如林請



（白糧銀米乾隆五十年奉准照額征運如遇歉收統于漕糧漕項註緩米歲征還歸款惟被災較重之年通縣成災在額四五分以上則成熟村壯例得註緩是金境無征白糧亦准詳奏專款註緩

一行月局恤如遇歉收統于南糧註扣如不敷註緩先儘局恤如次及行月其行月局恤緩缺之米由司子派撥案內案業撥補

一官兩任交代雖指同時交卸者而官然遲至五餘月推駁皆有成案准者長壽縣駁有趙明先道寶案其加展限期于新山王坤等任加展者多惟丹徒蔡維新曾經詳明于舊任加展并因復調別缺于例准展限之外另再請展一個月有案文年甯玉錫蒲道光五年七月十五開卸事八月于九月奉調長洲至九月廿二到任亦批准加展有案民錢糧展限者係指已歷奏銷之款如未經應過即係額征之項不准重覆加展乾隆五

將某幫掣定受兌某縣亦以三年為限兌滿三年接兌別縣按州縣之憲綱以掣定之幫次輪相接兌假如興武頭幫掣兌長邑漕米三年限滿接兌元奏明遵循此亦善政也漕糧之內和周而復始以均苦樂又分白糧一項係官為舂白交幫運北受兌白糧州縣將另有幫船米交幫須將幫弁通關通送方為完結通關者即幫弁之結也其南米無閏之年應徵八萬七百餘石來春造冊送司報完候撥兵糧蘇省太湖靖江二廳縣祇徵南糧並無起運漕糧而崇明則漕南皆無因其孤懸海外地瀟土鬆坍漲靡常地不產米之故嘉寶二縣地產木棉不植五穀是以漕白南米民折官辦由蘇于楓橋市採買再南糧項下又應分

出恤孤一款歲以抵給養濟院收養鰥寡孤獨四項窮民口糧之用按年附入南糧奏銷冊造報在縣亦另造奏冊送司

一蘇省屬庫錢糧交代例限兩個月將前任經收解放倉庫正襟正耗捐附銀錢米穀新舊任會同監盤按欸盤查交接清楚造冊結報舊任限二十日造冊新任限四十日核冊如額徵錢糧在十五萬兩以上例准加展一個月又民欠錢糧在五萬兩以下例准加展一個月如一官而有兩任交代再准展限一個月一官兩任交代為卸額儲在倉米穀有二萬五千石以此接彼同時交接也上者又准加展半個月如新任官緣事奏咨解任質審者



十年昆崙單所密交代部駁  
案米穀展限係指額備而言  
並不交代現儲數目計惟乾隆  
十七年奉部行令如額征錢糧已  
經展米穀即在內不准加展  
是以蘇省倉庫應以錢糧請展  
惟案明獨展倉穀交代展限  
如辦理軍需支給紛繁准臨  
時奏開辦理如在本境外附近  
鄰封會勘倉庫捕蠹查賑概  
不加展其緩事解任實實責  
如審畢被勒不能回任以奉有  
飭知定案自起限亦須詳請咨  
明已部立案

嘉慶四年奉旨交代案  
具奏無私立議單據印結  
監盤官如于限內即事須另  
委如逾三案結報仍將三案  
限內在任銜名出結冊造  
外銷道限在個月以內僅止  
罰俸如半年以上即予降級  
州縣交代如有虧缺須于二

州縣交代如有虧缺須于三  
限內揭參由府道轉揭藩司  
詳院具奏惟吳江時功補交  
代據接任之周泰壽具稟缺  
交行月米八十餘石司中即據  
此虛敘府道轉揭藩司詳院  
移交行揭揭以符定制其交代  
限期應以奉參之日起另行扣  
限兩個月造報道光十年長  
洲縣陳繼接收王錫蒲交代  
印結奉部駁令于結內填註  
月日州縣交代遲遲初奉  
免開職名有元和何士邦接  
收許乃大案當以辦理清查  
及災賑事宜不能兼顧聲敘  
奉部覆准又長洲萬承燮交  
代限期候扣以致出結在二  
案限外部取職名嗣以交代已  
清僅止出結通限援引道光  
二年奉准通行之案上司免  
議奉部覆准交代數冊

准以審畢回任之日起限盤報而起限之期總以新任到  
任之日起扣司中接到到任報文即移行該管巡道府州  
如正限內不及查清結報者謂之初參屆滿新任官須于  
正限內將未能副限辦出緣由開同前任遲延職名具詳  
府道司由府道開報督催不力職名送司詳院咨部參展  
例准再展兩個月謂之二參限滿近來司中接到參展縣  
道府職名二參限內即有款項糾轆抵墊不清亦必須趕  
補呈請咨于限內盤查造冊結報倘冊有舛錯駁回查復不及副限  
辦詳者先行出結詳送如寔有虧多難接例應于限內指  
款通詳揭參揭參初詳必要摘敘報部銀米穀石總數而  
捐附銀錢另敘一總數詳報司中或就以報

部之總數轉詳兩院請參或駁查虧短細數到日辦參亦  
不畫一至于捐附各款蘇省從未併參有案而東省皆入  
辦參蘇省之不併參者蓋緣捐附銀款均須代歸司道府  
庫常年外銷經費不能短少設使參後無著正項或就款  
銷結或上司攤賠皆可奏咨辦理而捐附不能併計耳或  
有前任執而不化或有後任情性偏迂一經揭報立即由  
司嚴查完結使其監若二參限滿新任既不出結又不揭  
盤藉可調停了局也報該管上司即應照易結不結之例將新舊任一併撤回  
詳參革職查辦嘉慶十五年間青浦縣交代因逾二參限  
革至限內因冊舛錯駁查或奉上司核駁遲逾者應將奉  
駁更正辦出各日期逐一聲明開同造冊舛錯職名具詳  
由司轉詳撫軍請咨吏戶部核議或因輾轉駁查逾限遲  
久者則應聲明初次二次駁查月日扣除在途日期逐細



隨結依限呈詳如限內僅送即結不送概毋即以遲延論交代如署員接收查無前任並無虧缺故意延挨希圖卸責以致遲延者降二級調用監盤上司各降一級調用此指署員有意遲延待至新任到任便可全局該卸者而言與新任推諉不接一條不同

一分徵縣委交代限兩個月結報不准展限道光十二年十一月內准江司咨會儀徵范任義交代本部以此案交代既同違冊外銷應將清楚印加結先送乃遲延半載有餘始同駁併送查取職名送議嗣後凡有交代毋得率以限內盤清結報為藉端延挨致滋弊端應令結清結報後應令結報道光十年宜與景壽春代理荆溪鍾庚病故遺缺後卸事已在展限外未及詳展二卷于卸事後補詳請處有

案元知陳玉成接收楊承港交代先將印結詳咨部駁應冊結並送僅送印結難保無虛出通關情事代理員不接交代係指暫時而言如先委代理經飭一手接署或久于代理者仍應從到任起扣限盤報道光十七年嘉定楊過恩接收王錫九交代王令係調辦文閣印事續令接辦武閣其交代限期只扣文閣而不扣武閣曾移江藩司查復有案

熟完民欠抵動缺正項及虧缺銀兩如奏咨有案者准予年內登除扣其常熟李英廣熟完道光元年民欠漕尾案虧缺道光五年地丁銀兩案州縣交卸後定有長墊可以積欠為名留案府委員赴縣會追并稟司立案 南瀾楊龜卸事稟請李廷三帶追有

詳辦請咨核議 邇來各屬虧空無處無之而前後任亦皆是衡情酌理平心公允者絕少以致將抵墊支款爭多道短互相推諉監盤不能調處及至二參屆滿上司催急由府斷定或由藩司另委監盤官酌定或因虧數過多不肯擔此未完即為藉故告病卸事者或有揭關情面認亦未便攔至二參限滿同寅調停彌縫者不一而足若出其交結已在二參限外者均于文內擡填限內出結也

代存庫錢糧向限三個月解清造具一千完解細冊詳咨至道光五年正月內奉到戶部奏定州縣交代存庫于初參屆滿日起扣限兩月提解逾限無完即將州縣嚴叅並開藩司職名一併叅議等因各屬銀漕二項或限期嚴急足不得不挪墊墊辦或因承辦工程領有八分正價即須趕辦其協貼及應找二分正價須俟報銷奉部覆准方能找領因而挪墊者有之或因紳衿延欠或因訟拖宕或書役收用一時不及追清者亦有之一經交卸無可追繳均

以抵交存庫名曰墊完民欠漕尾須由後任領追完款始能歸解存庫後任雖憑大局接收然斷難追歸以致交代存庫有提無解 惟是各屬交代存庫半多以墊完民欠漕莫可挽回矣

尾作抵斷難依限清解當由五府州稟經藩司詳奏張撫軍奏准將墊完漕展限追完其餘存庫副限解清造同存庫完解冊詳咨 代追漕尾復有議定章程立限催追道若追不足數由經墊接徵各員分賠

光六年又定四年以後漕尾民欠不准于交代案內列抵正項存庫祇許抵交捐附襍款并不准詳報上司 再鄉試之年奉調入闈之州縣代其簾缺之員向不查盤交代祇須俟本員回任將代理之員任內經收解放銀款造冊具結送司詳院咨部如有出闈之員不回本任者應從該



案嘉定凌春臺卸事因發事  
催繳民欠較多稟請自行催  
繳并請委道均經先後敷飭  
批州委員催追有案請  
入關回任之員以前經手錢糧  
統俟將來卸事并盤報  
代理庫缺人員如無經手錢糧  
祇須具結詳院備案如代催  
代解亦照此辦理道光十二年  
崑崙鎮并陽湖綠廷璵案

司庫交代例限兩月凡署任在  
兩月以上各疏保題不及兩月者

疏歸後任手承查覈疏保題

員出關回省之日起限扣算行查詳辦如交代未及查清  
奉調入關即以入

關日起至出關回省之日止准予交代  
限內加展緣入關不能兼顧交代耳

一各屬詞訟交代亦限兩月將自理詞訟及上司發審事案

造具冊結送府核送臬司轉移藩司詳咨逾限並干議處

近來不  
辦者多

一道府交代均限一月造冊結報府庫交代冊結詳道加結

送司詳咨巡道交代冊結由道徑詳撫院核咨其糧道交

代例限兩月盤交清楚造具冊結送司由司加結詳院咨

部

一司庫交代例限兩月查明正耗存附四款分造各冊出結

辦詳而正耗存三項請院加結保題附儲款冊送院存案

如藩司奉護撫篆卸事者交代冊結應請制軍保題向來

交冊由銀庫書將一任經收支放按款摘出單冊交總科

散交各經管查造彙交總科核明彙輯收放二冊送署核

發即付銀庫結造四柱冊詳咨是以內房之收放二項交

冊並不鈐印因有銀庫四柱印冊之故自嘉慶十九年楊

藩司之幕友謝履莊查辦常任交冊令由各經管書查照

專款庫簿內之一任收放按款辦造四柱交冊送核繕交

銀庫送稿詳辦至今遵行由此款項比前較

為明晰亦變更之意美法良善計也清楚

一徵解錢糧除地丁漕項屯折蘆課鹽課旗租淮徐二倉銀

款及漕南米豆奏銷開報未完有計分數考核關係寔降

寔革者宜早查明趕于奏銷前完解計核分數之數如歲

為數甚微不以為念而奏銷時竟未完解或僅解一半及

至奏銷之後致干寔降寔革其未完銀米雖即時清完詳



請開復然既奉部文難免離任其餘損脚襍稅學租空缺等類之款例無核計分數造奏者皆名曰襍項奏銷案內開報未完無論多寡概照襍項錢糧之例議處

一旬月報係稽察州縣日徵地漕錢糧之完數司中于每年上下忙開徵之時飭屬按旬按月摺報州縣地漕一條編徵例應聽民自行投櫃輸納每日徵下銀兩司中于啟徵時飭委該縣學官如一縣有教官兩員上下忙挨次輪委以均勞逸逐日將櫃書所收銀項會同印官啟櫃監拆按旬摺報並於月底將已未完數填明循環簿送司倒換以杜侵挪之弊

一藩庫寔存錢糧冊係年終彙咨之件每年十一月底截數

查明正耗存三款應存應解應留應撥各項銀數核造寔存者于封印前詳院咨部並軍機處查考

一稽查銀號係年終彙咨之件每年于兩忙開徵之時飭屬將起解一切正襍錢糧銀數及撥交某匠傾鎔差役家丁姓名起程上兌各日期按批先行預期稟司並諭理問庫官一體稽察以杜解役銀匠壓批挪移之弊迨至十一月內由司將稽查有無弊竇札飭兩首領取加印甘各結送司詳院分咨軍機處戶部查考祇送首領及銀匠總結再各散匠甘結留司備案再蘇省惟吳縣吳江震澤金匱鎮洋五縣向由縣匠傾解其餘各州廳縣均係司匠倪德陞錢天豐王鼎泰陳恒升及



道匠黃裕傾解而漕項亦由司道匠傾解道庫

一吳縣有公田一萬二千五百餘畝係前朝該邑之宋令為

通縣逃亡故絕人丁無著墳基地糧追呼枝累捐俸買田

入官抵補

今吳署前申莊口立有宋公專祠是也

是以公田每畝歲輸條漕

並徵餘租折價

按年由縣將折價詳司徵收

撥補無著銀米之用餘剩

解司報撥

故名曰一田三賦

向應按年造冊送司詳咨報銷

近來未據

辨出者

有年矣

○常熟溧陽三縣各有義田亦官為收租每年支

納條漕外餘剩租米存儲常平倉為災年賑饑之用按年

將所完租米動存數目造冊送司詳院咨部報銷名曰義

租報銷

常熟義田二頃一畝五分零昭文義田六頃六十畝九分零溧陽義田五頃二十八畝九分係何人

捐存無從追溯寔因事遠年湮報銷未經辦出者亦多年矣

一文職各官養廉支數歲有定額

按缺分之繁簡定養廉之多寡蘇省四府歲支廉銀

不同州縣

亦復不齊例應歷過支給不准預支遇閏不增小建不扣

有閏按三百九十

日攤支如有空缺或署員半支餘剩之

項名曰節省養廉

佐襟由屬扣解餘則由司提扣

應收入存公項下專款

抵支動放應支空曠半廉等用

州縣養廉本係在縣徑支乾隆年間歸司支放至嘉

慶五年經藩司荆道乾奏歸縣支後因屬欠捐款積壓不

解司庫借款愈墊愈多是經藩司誠端議詳撫院張師

奏准仍歸司庫支放其佐襟廉銀循舊徑支

一各屬陞科坍荒地每年于上忙開徵時飭屬勘報

湖河州縣陞坍者多內地之縣鮮少至義塚豁糧無處無之

如有坍荒呈報地方官勘

升科田地乾隆四十七年金山業戶顧振揚升科案內勘報遲延四年有奇將現在詳請升科之知縣免其查議外其不行詳報之知縣姓名程照例革職未經查



出之署縣李培緒延珍李雲翔李龍湛周世宅等各降一級調用並查取該管各司職名有案處卑地土聽民開墾永升科

省以不及三畝為斷丹徒業田金福報升田地農繳灘價積壓數年當以欽令其繳價而反任其漏賦轉于國課攸關案准先行入額然後令其繳價有案

道光七年七月于丹徒業戶霍瑞堂垣荒業內准部咨查江蘇各屬地畝凡遇垣荒請露錢糧自應以准給糧額之年為始照數除其所以以前錢糧飭令照額征解等因嗣以田已坍沒力難望水瞻賦所欠錢糧即係呈報之年必屬無產之賦難以催征委無員濫仍請題給本部覆准有案

各屬升科田地前于乾隆四十七年間金山縣報升草場業內因詳報遲延曾奉部議降調是經由司通飭嗣後報升田地務須以詳報入額之年起科不得將初報未確情形敘入致惟念處等因是以各屬降科報升年分與勘定入額之年竟有相隔多年者無不照此通飭辦理其未入額以前應征銀米仍按年征收解司撥充公用

明辨造區畝頃畝坵形弓口積步細冊通詳垣者沿河田地垣卸入河荒者築塘佔廢或開河挖廢及捐置義塚等類總名謂之坍荒由司批飭該管府州委員覆勘復造斗則應豁銀米細冊繪畫圖形簽註冊數出具印委各官勘結送由府道遞相覆勘加結移司由司查照

全書科則分造應豁細數分晰地漕兩冊加結詳請撫軍主政題豁即從司中詳題之年起並移糧道一律于地漕南糧各奏銷案內分別註緩候豁俟奉部覆准行知方能于地漕銀米額內拉除設奉部覆駁飭須委隔屬府丞大員覆勘再行詳辦請題至田畝坍荒報縣勘詳而其地逐漸坍沒已歷有年及至坍成片段報縣查勘其賠完糧賦

已屬不少經縣勘詳之後再待委員府道層層覆勘及因冊結不安駁查換出由司詳辦請題之時已越報冊之候速則一二年或二三年之久但坍田糧賦既經冊戶報縣勘詳未便再令賠完是以向來冊戶舊欠俟奉部覆准後另再行縣查造冊結送司轉造司冊詳院題豁故于敘詳請題稿中聲明冊戶舊欠查明另詳之語或經司中飭查報勘坍沒年分即于請題詳內聲明以省另辦之煩但縣中亦必須于初詳內早為聲敘為妥○各屬呈報陞科由地方官勘造陞漲田地區畝坵形弓口積步計畝及應陞銀米兩冊亦須查照全書科則驗算辨造具結詳報司府司中批府委員



覆勘加結詳出由司轉造詳院批准後于該年地丁南糧各奏銷冊內入額起科銀則充餉米撥兵糧而未入額以前各年應陞銀米提解司庫撥充公用仍于每年奏銷前將各縣陞科彙敘一詳請院題咨再冊荒銀米應于地漕款內按則攤豁而陞科銀米祇入地丁南糧額內增陞道光初年奉部行令凡有各屬報陞灘地應照定價追繳價銀報撥若日後此灘轉陞漕田祇須入額起科不復再繳價銀

一司庫奉部題撥各省兵餉或撥京餉定例限文到日即應委員起解如有遲延例有議處如奉指撥未完地丁

係未屆應

徵之項不及待徵即應起解者

司中即須隨時查明庫儲堪撥銀款若干

造冊詳院奏咨改撥

或以他款借墊俟指撥款徵起歸還

一俟委員起解清

楚即應查造改撥或借撥動款清冊同委員銜名批號起

程日期詳咨如續後借款收歸亦須詳咨銷結○解餉定

例一批解數在十萬兩以上委同知通判五萬兩委州同

州判五萬兩以下委佐雜管解如各官不敷差遣准委知

州知縣管解

如奉撥京餉部中解兌時一切規費甚大均須解員賠貼非候補人員所能力任是以蘇

省一奉撥解京餉部文先查有無罰派苦差人員或現任

優缺州縣委其領解然自去者少總藉他事為詞倩員代

解稟司札委不過使一切解費有著此層司中一經委定



員監兌監裝餉鞘隨取監兌委員並無短少印結存案一面將解餉委員銜名同解批詳院給咨兵牌等件并請將解批掛號發司由司填給護牌一并飭發委員領解又移臬司填給勘合傳牌行知蘇府撥給擡鞘站夫船隻然後將應給委員水腳盤費及縣辦鞘箍牛皮銀兩詳明放給即令委員起程由司飭取起程日期詳院分咨戶兵二部并請移行經過省分沿途營汛府縣僉撥兵役護送遞站交替一面將臬司移來傳牌填明剝船緯夫名數飭發元和縣首站轉遞至末站收繳○解餉水腳定數十萬兩以上每萬兩每站給水腳銀三錢十萬兩以下每萬兩每站

解餉向由丹陽起旱今道光七年臬司詳定改由儀徵起旱于道光十年起解甘餉案內移知原卷在刑房

一如係猝被災傷應須撫卹一面詳奏將來彙入秋災情形案內核明成災分數再請照例給賑一夏災不與月秋災不出九月係指題報情形而言非州縣之限也

一海州例不報災之改種廢舊田

給水腳銀四錢五萬兩以下每萬兩每站給水腳銀五錢又在春冬起解餉鞘無論銀數多寡每萬兩每站例准增給水腳銀五分夏秋起解者不准加給其餉銀千兩該裝一鞘例給鞘箍銀一錢六分線布銀一錢四分共銀三錢以上水腳鞘箍線布銀兩均應動正項損腳銀兩至解餉程站須查道里表并隨時移請臬司核覆循辦庶歸核寔一蘇省州縣地方遇有水旱災祲一經地保業戶呈報即須據呈馳稟一面輕騎減從並委佐裸分頭親歷災區勘明稟報被災情形如係不成偏災止應由司飭府委員赴縣會同覆勘覆出即可敘詳請奏如灾情較重由司委令丞



地嘉慶十三年等年被水

案內奉諭旨准照鄰田勘  
定分查明極次貧戶一體給賑  
又海州水災減則田地道光三  
年分體奏明給賑海州沐陽  
二州縣水災之地乾隆辛七  
年減則案內聲明倘遇春麥歉  
收秋禾又復被淹始准緩帶見  
嘉慶九年案業奏稿

一淮揚等屬減則田地道光六年  
曾律蠲緩給賑

一甯省揚徐等屬有例不報災  
減則田地設有被災止緩不蠲海  
州陸廢等並永麥減則田  
地律緩征

一江蘇各縣減則田地雖遇成災只  
緩不蠲此係內幕之批並未見  
過成案

一崇明縣歷來報災將五倉添糧  
列入例不報災項下司中造冊作  
尚未經被災道光十年分據縣稟  
明聲明例不報災當經札飭

分據縣聲明聲明何不報災  
當經札飭凡編入全書應徵  
款項凡有被災均應蠲緩不  
得拘于辦糧較輕不為辦理  
嗣據縣詳寔係並未被災毋  
庸緩征在案嗣于道光十年  
海外各沙被風潮淹斃人  
口詳請將五合添糧體詳  
奏蠲緩

倅會勘災重之處應須撫恤口糧者隨時會同委員通稟  
一面即由縣庫動項散給以安灾民而免滋事覆齊時由  
司將被災情形及應需撫恤口糧分敘兩詳請奏後再具  
詳兩題報例載夏灾不出六月而各屬灾情須于五月  
內勘詳秋灾不出九月須于八月內由縣勘詳至題請蠲  
緩錢糧限期例從撫軍題報情形日起扣限四十五日辦  
出逾限者計日議處各屬冊結圖說應須趕早詳辦以副  
司中核明屬冊再按全書科則分造應蠲應緩地漕銀米  
等項各冊加結同屬送灾田區畝頃畝冊結及里民執結  
即係報灾業戶圖說詳請督撫  
地保之結也  
漕河四院會題  
如甯蘇兩屬皆  
有成灾應須會

詳題報由灾重之省主辦如一省成  
灾一省被歉由成灾之省主稿詳辦○被災情形水旱不  
同輕重不一總須地方官愛民體國寔心勘辦無不周妥  
今就成案大概情形而言之夏灾者因交夏以來並無雨  
澤土燥赤烈河港將涸雨澤愆期無可厚灌不能犁田插  
蒔致成灾歉至于秋灾情形則較夏灾為多或因自夏徂  
秋雨澤愆期沿近河港得及灌救者禾稻稍傷收成不無  
歉薄其腹裡高阜依山傍麓離河寫遠支港不通車救不  
及之區禾苗枯槁僅能補種襍糧或稻禾損傷收成大歉  
此謂次重或因時候已遲襍糧不及補種或因土燥不能  
翻犁難以種植襍糧收成失望或因交夏至秋雨澤稀少



秋後亢旱無雨支河皆涸灌溉無由稻禾盡枯連襍糧不能補種稞粒無收此謂極重旱災之情形也至于水災或因山水大發或隣境發水下游直逼而過無碍收成或禾苗受傷時候尚早工本雖費可能補種秋成稍減或因自夏至秋雨水過多田禾淹傷秋收有歉或田被淹沒築圩車救稻禾已被淹傷收成歉薄或因加築圩岸雨淋不止或風雨交加圩岸仍復淹坍宣洩無由僅能種植襍糧者或因積水不退無可補種襍糧者輕重不等至于道光三年蘇省自四月至八月日見傾盆蘇松太三屬悉係一望汪洋田廬墳墓俱在巨浸之中歷來未遇之大災以致災

民四散乞食幸蒙各憲隨時奏請撫卹并碾常平倉穀及撥鹽義倉穀減價平糶奏免關稅以招商販賑勸兼施以濟民食方得安謐再嘉慶十二年稻禾始極茂盛交秋乍晴乍雨天氣不暢及至白露迷霧連朝稻節生蟲以致秀而不實盡成癘穀又或秋後逐日雨霽不測天氣蒸鬱禾生網蟲以致苗而不秀此等之災亦有輕重須以稻禾之枯槁多寡為斷如災之輕重難以察定惟存甯濫為善勿事苛求至淮徐一帶地濱黃淮洪澤諸河不時泛濫災歉頻仍致有冒災之弊○災之成災不成災例以五分為斷五分以上者為成災其錢糧例准蠲緩四分以下者為不成災錢糧例准緩徵並不蠲免假如一畝田有千畝內百畝

一成災不成災區別總以村莊定在被災幾分為斷並非以畝縣地被災五分之一即為勘不成災也道光三年新頒災政章程第十八條便是



稻無一束雜糧無種盡成白地即謂十分災田又有百畝雜糧雖種而亦歉收謂之八九分災又有百畝補種襍糧茂盛收有成色或稻禾黃萎稀零秋收無幾者謂之六七分災以此推計災分之數則無謬矣故一邑之災田列出被十分災若干八九分災若干五分與六七分災若干勘不成災若干分別詳辦至稟報情形案內聲敘居縣有幾分者非係災情之分數乃就田額之分數假如一縣有田萬畝內千畝有災謂居縣之一分災也○辦災田地各有專司漕田蘆田應由地方之州縣勘辦屯田由衛守備勘報學田由學官報辦鹽場竈地由鹽大使勘詳而漕蘆被

一道光三年蠲缺驛站牙儘各本縣建利銀內撥補再有不敷由縣司核定造冊奏銷後由司于地丁款內詳咨撥補

一蠲缺俸子除官俸標支舉監鄉飲節省俸支等項例不撥補外其康膳孤貧役食等銀應于司庫地丁撥補

一道光三年災賑並緩無征之縣應支俸子祇應養廉等銀由司于耗存款內詳咨借給來歲秋後征還歸款其有征各縣亦有詳借者

一勘不成災緩征錢糧戶部則例內載緩至年終熟後征收而蘇省應屆完案則又以次年秋成後為請者情形案內雖未聲明原委從未奉部駁查撥情度理諒因定田來年上忙尚請緩

災在縣應分兩案詳出司中詳請題奏情形及辦題蠲緩錢糧稿內將漕蘆屯學鹽竈等項田地一并臚敘詳辦漕被災由總科經管蘆田工房經辦學田支科經辦鹽竈被災亦由總科經辦是以接據屬報被災之文即應將屯學蘆田有無被災飭令一并查明勘覆蘆地無旱災○蠲緩錢糧定數如被十分災者蠲十分之七被九分災者蠲十分之六被八分災者蠲十分之四被七分災者蠲十分之二被五六分災者蠲十之一被四分以下之災者祇緩無蠲其成災田地蠲剩錢糧如八九十分災者分三年帶徵七分以下災田者分二年帶徵而緩徵起限概從來年秋後啟徵按限完解逾干例議緩徵年限如甲年災緩銀



至秋成後并征若干麥熟帶  
征似與本末不符況蘇省全  
賴秋成不重麥熟所致  
一災田邊緩來年新賦賦于下忙  
并征完解是否應忙征足扣限  
一年征完例無明文惟嘉慶十  
三年英縣及道光十年英縣二  
縣請緩案內曾據稟謂從是  
年秋成後起扣限一年征足批飭  
有案此項邊緩新賦如奏銷時  
未能全完曾以未完開報有  
案因係扣足一年征完則蘇省  
五月奏銷尚未屆滿可以民食藉  
最案案祇緩二忙而嘉慶十三  
年奏銷案內之英縣道光十年  
之英縣金壇兩縣均以兩忙數  
開欠部中亦未查及

米應于乙年九月初一日起扣至丙年八月底為初限屆  
滿丙年九月初一日起至丁年八月底為二限屆滿此係  
兩限帶徵之款如例分三限帶徵者應再以丁年  
九月初一日起至戊年八月底止為三限屆滿  
來年上忙新賦例准緩俟秋成後啟徵統歸下忙期內併  
徵解完如民間上忙條銀因災無力措完奏銷時倘有  
未完一二分者可以于冊內聲明緩徵比無故未  
完者有間如遇災之年上忙徵完條銀內有災戶輸納者謂之  
災戶預完已解司者蠲則留抵次年新賦緩則抵完初限  
錢糧如未解司者應由縣分別抵完於司中無涉矣○灾  
戶舊欠係被災各戶未完灾前各年熟田并上届灾年緩  
徵銀米應于詳題蠲緩錢糧之後即須飭屬查造未完熟  
田緩徵銀米年款登明遞緩年限細冊由司核明轉造詳

咨而頻年被灾之縣灾戶積欠原緩錢糧係灾年緩徵之  
米遞緩錢糧係昔年熟田未完銀米各年銀米較多仍照例限二年

分徵則恐灾餘之民以一年之所收既須完納當年新賦  
又須帶徵上年灾緩初限及各年初限舊欠力有未逮准  
先將未完最速年分帶徵一年由遠及近以次遞徵完解  
此件係道光二年冬詳院奏准之案○通縣成灾五分以上者所剩熟田應  
徵錢糧亦准緩于下年秋成後分限二年帶徵通縣成灾  
係照額田而計如一縣之田萬畝內有成灾五千餘畝以上  
畝即謂通縣成灾五分以上此道光三年奏准之案至徵  
運白糧米石并白糧經費銀兩白米成灾之年不准緩徵  
統于熟田項下辦運解用而道光三年通縣成灾五分以上



上餘剩熟田一律緩徵則白糧銀米無從徵辦是亦奏准  
緩徵房基墳地應完錢糧亦是年起均准緩徵○吳縣之公田歲徵餘租灾

年亦照成灾不成灾之分数一體勘明專案詳報造冊蠲  
緩

一蘇省沿江沿海州縣濱水沙土坍漲靡常之處名曰沙洲  
坍請豁賦漲報陞科每歲祇徵銀賦不徵糧米賦亦輕微而沙之始  
漲未曾出水者謂之水灘出水生草者謂之草灘草滿土  
堅可植蘆葦者謂之蘆灘迨後蘆密土高可圍圩岸藝植  
五穀或栽木棉者則與漕田同而其賦甚微故沙民每相  
爭佔以致沙民每相械鬪匿報陞科或訟成部案者不一

而足所以奉議報漲新沙須由土著之民投買并定沙價  
章程戶買一項之制從前漲沙並無官價亦無每戶投買不得過一項之議毋許跨

越爭佔一經承買詳咨陞科應追沙價解司入撥充餉其  
辦陞情形由縣勘明繪圖造具冊結通詳由司委員覆勘  
再由府道勘轉詳咨至辦坍沙地亦應層層勘辦詳咨○  
崇明縣係孤峙海中一年之內東坍西漲沙地無定該邑  
定制三年一屆大丈坍不除糧漲不陞科歲徵地漕損腳  
俸工鹽課等項額賦二萬一千五百五十一兩零閏月加  
徵賦銀一百六十兩零漕項係額撥江道之款蘇道並無應解銀兩其地丁正銀向不解司  
徑撥蘇鎮標兵餉損腳耗羨按年于奏銷前解司入完造  
報惟近年有于催提之後亦請撥作兵餉之案以省領解



永無增減編定一千一百里排里排猶都畝也分忙完納遇丈之

年坍多漲少抵虧田賦由里排賠繳漲多坍少抵餘之地

分撥里排向來該縣勘丈一屆坍漲沙地查造堂廚冊係儲

大堂曉諭里排當堂將坍漲之沙均勻闢撥照造一冊送

州詳司核明轉詳撫軍批轉定案並不咨部該處沙地初

漲出水則有生草名曰蘆草別無所用惟油車中打油則所必需按年以千步估

價追繳解司充公名曰大草密土阜可以種菁也蘆葦蘆盛

土堅遂能築圩圩岸既成然後可植木棉木棉既種花息

利厚即為膏壤乾隆初年以來崇邑各沙漲多坍少致有

托故請撥沙灘謂其名曰公田由縣追繳過投解司充公

即名大大過投係于承種佃戶名下每千步追繳七折六

底串錢四兩易銀批解而其托故請撥者無非藉養濟育

嬰堂及名宦鄉賢各祠或寺觀廟宇迨後屆屆請撥紛紛

學宮地方工程經費香火不敷之類捏坍里排控告不休經伊藩司詳定前撥公田遇坍准補

不許再請增撥從嘉慶十九年大大起坍漲沙地應照內

地陞坍層層勘辦由司詳院批轉行知後入于文案彙撥

復經楊藩司詳崇邑請補報坍公田亦照增撥公田之例

追繳過投以杜捏坍之弊如海洪突漲之沙非聯落老應沙所漲也

歸崇邑管轄者從前原皆入丈均撥里排後因爭訟奏定

召變其承買者應繳沙價過投二項解司報撥係按萬戶估價至過

投應繳之數迨洪漲之沙陸續接漲而沙價亦奉部行按



欽估變紋銀解司報買詳咨

不准分估過投其新沙草利不許以錢合算

按年以千步估價造冊追繳解司充公草利一項凡新漲沙地一經入太分撥里排及洪漲之沙詳咨定案承買管業者草息銀兩應歸里排買戶收納新沙應完科賦亦

歸大丈報升倘漲沙跨涉海門之界者應行委員會勘劃

分各歸沙地詳辦

南歸崇明北歸海門

○靖江縣三面濱江海潮沖

擊漲少坍多按年于冬間由地方官勘造坍漲及報戶花

名區畝四址弓口坵形冊結繪圖通詳由道府覆勘取造

陞豁冊結送司核詳請題名曰冬勘一年一辦

一

各標營官兵俸餉養廉舵工工食銀米歲有定額

官支者俸薪心

紅疏菜馬乾養廉兵支者餉乾銀米提督至守備併支心疏千把員弁祇支俸薪

例應于隔年八

月內移營查造官兵馬匹歲支俸餉乾廉預估冊送司由

司轉造附同歲撥估餉詳題部中彙齊各省估冊題撥兵

餉動欸行知支放名曰經制估餉所有蘇省各標營兵餉

惟蘇鎮標四營以崇明縣地丁劃撥營縣對支不敷銀兩

于太鎮等州縣地丁內由司撥足詳明移行對支京口八

旗餉廉按季委員解儲鎮江府逐月散放撫標蘇州二營

按月赴司支領其餘各營皆係按季差弁赴司領儲駐劄

地方府縣各庫逐月會同散給其舵工工食

惟蘇鎮標四營并川沙吳

淞南匯等七營外海戰船舵工應支之欸

隨餉領儲放發武職養廉各營按季

隨餉領儲府縣庫按月歷過支給其撫標蘇州二營按月



歷過赴司支領向來司中動放營款係憑營中文領核放  
自嘉慶十五年經慶藩司詳定凡營領各項銀兩由營先  
期具領呈請管轄提鎮鈐印掛號轉送制臺掛印發司一  
面備文僉差赴司司中號領營文到齊者方准送稿核給  
如屆近封庫營文已經到司號領未奉掛發者稟明報院  
放發以免來差守候嘉慶二十三年又奉兩院議定甯屬  
營分送制臺掛號蘇屬營分送撫臺掛號以歸便捷○各  
標營兵丁舵工歲需米石除小建外應扣除通年小建幾  
日按日驗計核扣  
向例于預年十月內飭屬查造應徵南糧及帶徵各年灾  
緩米數欸冊一面于十二月內將各營春季兵糧先就各

屬額徵南米分別辦造屬領營將一縣一年額徵南米若  
干內派支某某營春季兵  
米若營領屬將一營一季應支兵米除小建定支米  
若干內撥某某縣某年南米各若干兩冊  
并造按月支數冊將一縣一年額徵南米若干內派某某  
營春季兵米若干內某月大建米若干  
某月小建詳院移行府州營縣逐月對支會放來年春初  
米若干  
催齊南米屬冊核明南糧奏銷并查各屬陞科及積年用  
剩舊米各營扣存截曠米石按營按縣核計寔支寔存米  
數註除撥過春季兵糧遇歉灾  
借兵米之外通盤派撥並將每年  
額解江甯省倉協標壽鎮各營不敷及溧陽營兵米同應  
變裁兵餉米一并核造夏秋冬三季營領屬屬領營按月  
支數三冊造冊與  
春季同詳院移行府州縣營逐月支領其八旗



并京右營通年小建米石應于南糧截漕款內撥存抵支  
八旗節婦半俸半倉并高資營貼糧倘有餘剩湊支各本營兵糧

一各標營糧餉奏冊由司于次年正月內移營查造官兵馬

匹一歲實支扣存俸餉馬乾銀米逐月四柱兩冊送司

戰有船營分者添造核明移繕清冊具結到齊核結司總名曰舵工奏冊呈送

冊及簡明兩冊同甯司送到糧餉總冊敘稿會詳撫軍主

政題銷督撫標三營移送甯司詳辦○武職養廉報銷冊

例應按員按日計支如有空缺及支剩銀兩名曰節省養

廉由營查造支扣銷冊于次年三月內送司核移繕清由

司結總并造節省養廉完欠冊于糧餉奏銷後詳院題咨

再官兵俸餉向照部撥之款動放列冊奏報嘉慶二十年

咨定將每年奏撥動款提**救**兵餉專款列簿支放武職養

廉亦將應動之損脚耗羨存公各款一并提入專款備用

○蘇省督撫提鎮四營綠營提督至外委官有三百八十

九員兵有一萬九千三百七十餘名騎標馬二千二十餘

匹戰船舵工七十餘名又京口蒙古八旗官兵一萬三千

餘員名馬三千七百餘匹無閏之年歲需俸餉馬乾工食

等銀三十九萬八千五百六十餘兩綠營官員養廉銀四

萬一千八百九十餘兩綠營兵丁動支南糧米七萬四百

三十一石零旂營動支丹徒縣截漕米三萬八千五石零



蘇太二屬黑豆八百六十餘石閏月加增綠營餉乾等銀

三萬四百二十餘兩兵米五千八百七十餘石

一朋馬奏銷冊朋係副將至守兵公捐之朋銀千把總至副將每員歲捐

朋銀二兩四錢外委額外馬兵每名歲捐銀一兩二錢步兵每名歲捐銀六錢守兵每名歲捐銀三錢六分註考

馬係各營官兵坐操之馬坐馬由官自備兵馬定例每年

倒斃三成以買補之日起限扣滿三年倒斃為之三成而驛馬每年例倒四成因遞送文報易斃之故

未滿三年報倒者應行賠椿中樞政考例載江南營馬一

兩二年以內報倒者賠椿銀九兩限滿倒斃應繳每匹皮

三年以內報倒者賠椿銀八兩限滿倒斃應繳每匹皮

臟變價銀一兩湊抵買馬之價蘇省買馬例價每匹銀一

各營均繳每匹一兩惟撫標蘇州十三兩九錢七分而皮臟

二營每匹繳皮臟銀九錢二分每年于次年正月月底移

營查造官兵實在年貌及朋銀馬匹三冊送司核明移繕

清冊再行由司結造總冊移會會結江安蘇三省大總敘

詳制臺題咨惟撫標蘇州二營朋馬奏冊徑詳撫軍題報

一各營賞恤報銷冊兵丁婚喪事故例給紅白賞恤娶妻娶

娶媳嫁女各給銀二兩兵丁自故及父母祖父母妻與子

媳病故者謂之白銀其父母祖父母自故者例各給

銀四兩妻子與媳病故者例各給銀二兩按年分季赴司支

兩嗣父母故續娶妻室例亦准給賞恤

領存營賞放如一季之內賞有餘剩即于下季恤內縮除

支領倘一季之中不敷賞給應同下季赴司找支歸墊年

底截數造報冬季不敷即同下年春季恤找領如有餘剩則

應具批請于下年春季恤銀內扣解報撥以清年款司中



亦于每年正月底移造上年報銷冊結送司核明移繕清冊到齊結總移甯會結江安蘇三省總冊敘詳制臺遞報從前賞恤向以司庫襍款放發乾隆四十七年奉文動支地丁嘉慶二十二年起設立賞恤專簿按年詳咨提收專款支京口八旗每年賞恤專案辦移江甯會詳請題向不彙入綠營辦詳○以上糧餉賞恤二項奏銷例限六月內詳題朋馬奏銷限五月內題報逾于例議如遇司庫交代例准詳咨展限

一公費報銷冊應分戶兵工三項如領餉領米目兵飯食各汛燈油春秋二操祭神香燭等項應報戶部硝磺鉛子例價合藥工料等項應報戶部歲修器應報兵部每年由司

移營查造銷冊結總詳院分咨例有定限逾于查議公費司庫朋扣建贖款向來于次年冬間先領七分餘存應動三分應俟報銷奉部覆准後方能找給不准全放

一差費報銷冊係沿塘營分及內地駐劄有驛地方各營每年僉差兵丁護送餉鞘人犯例給盤費護送差使定例一二年其銅鉛餉錢料物等項則應一船二兵餉亦一萬銷而盤費每名每日給銀三分往返皆支按站接護由司于次年正月底移造報銷實給細冊送司核明移繕清冊結總詳請制臺咨部核銷亦有例限逾于查議差費銀兩按季赴司領儲營中給發應動司庫朋扣款

一巡江盤費報銷冊係京口八旗及京口左右高資三營每年按月輪赴江中巡緝官兵所給盤費于次年正月內移



造報銷冊由司轉造詳咨此項銀兩應動司庫朋扣款由營按月赴司支領其八旗隨餉解交都統放發

一兵餉申嚴派餉冊係每年支放各標營官兵俸餉馬乾原設舵工工食等項銀兩之動款也例于次年地丁奏銷前將部題指撥地丁動支縣分年款按營按縣辦造詳院咨送戶部查核○本色申嚴派餉冊係各標營兵丁舵工每年支撥各屬南糧縣分年款亦按營按縣辦造同兵餉申嚴派餉冊一并詳院咨部○襍支申嚴派餉者係地丁項下年例額撥及應支之項須向本管書查明額撥及已未放留撥各數造冊同前二項申嚴派餉冊一并詳送咨部

一蘇太二屬各縣每年應徵黑豆一項運解鎮江府儲倉抵放京口八旗馬匹料豆之用附入本色奏銷並八旗糧餉奏銷冊內分別登報

一添設舵工係蘇鎮標川沙吳淞南匯高資等營之戰船添設舵工歲需工食銀兩應動支司庫建贍款米亦支撥營屬扣存建贍~~米~~石向不查造銷冊祇于朋建截贍冊內登報註銷撥給舵工米石名曰貼糧

一各標營署員支食應以有原官無原官為斷有原官缺者係正任之員差使離營或調軍營或俸滿議敘保舉赴都引見之類例准全支原缺俸薪馬乾而養廉赴都各員



離任以後回任以前准支一半其差使離營調赴軍營之  
員並准全支由外題陞人員赴京引 見離營以後亦照  
俸滿進京之例支食自奉 旨准陞他缺日住支 若奉部  
銓陞或  
奉 旨擢陞調任者卸事日即行 所有委署前項有原官  
住支原營俸薪馬乾養廉銀兩 遺缺如現任人員遞署者各于本營原估款內造支而署  
任內祇支心紅蔬菜銀兩 其心紅蔬菜無論有無  
原官均歸署員支食 至于把  
總並無應得心疏之項委署之員悉歸本營支食若委候  
補試用及効力武舉之員署理者例于建曠款內照銜撥  
給半俸照缺撥給半薪金給例馬乾銀節省項下撥給半  
廉由營于扣存養廉奏銷冊內登報○無原官缺者係正

任之員陞遷 奉 旨陞調或奉  
部銓選等員之類 丁憂告病病故降調斥革  
之類遺缺委候補人員署理應照署缺全支迨後即補斯  
缺亦准全支如委現任遞署即照本銜俸薪遞支養廉馬  
乾全支署任若委現任兼署者仍支原營俸薪乾廉等款  
并支署缺心疏半廉銀兩新任官例以到營任事日起支  
由外題升人員尚未赴部引 見并未接劄先赴新任者  
仍支原銜俸薪養廉新任心疏馬乾銀兩○千把缺出拔  
補之員例不赴部引 見如把總拔補千總未接部劄先  
赴新任者應于新任原估款內仍支把總俸薪養廉 千把  
均係兩匹  
坐馬  
故無區別 外委拔補把總未接札以前仍支外委餉廉二



匹馬乾銀兩并于截曠米內按日撥給馬糧應除小建受遇閏不支  
割日起准支新任之款其額外拔補外委者例無應給部  
割祇須接到部覆准拔為實授是以未奉部覆以前不准  
支食外委廉銀

一蔭襲人員一俟承襲咨部覆准如年未及冠或親老告養  
或因故告假在籍者例准給予半俸恩騎尉每年全俸銀四十五兩零雲騎尉每年全俸銀八十五兩其騎都尉輕車都尉及公侯伯子男世職爵俸若干俟考如年已及冠十歲投營學習武藝之年起例給全俸在籍由地方官請領學習期滿送部引見受職者例不兼支兩俸如世俸多于職俸應支世俸職俸多于世俸或領職俸或支世俸找

領職俸亦可

蔭職者無論文武皆襲武職如願讀書亦准支給世俸捐納者無考

一各標營兵糧應動之南米若遇灾蠲緩短缺應將灾缺兵糧詳請奏借成熟各縣常平倉穀撥放借撥倉穀例以每名日一如倉穀應須平糶或因存穀不敷碾借者即應詳米二穀院奏截漕米濟支仍于帶徵分限灾緩南米款內按年撥還歸款○遇灾之年駐劄灾地及毘連灾區各營例准奏借灾兵一季銀米分季于兵餉銀米款內扣還

一文職官員支俸例不扣建遇閏不增亦不攤算丁憂官聞計日住支父母在任者病故日住支叅革者叅出日住支或題叅或無叅日即以奉院行知日住支或于詳叅之日

道光六年部議嗣後外省各官應繳罰俸銀兩數在三兩以下原限二年改限半年三百兩以上原限三年改限一年一千兩以上原限五年改限三年五千兩以上原限六年改限三年一萬兩以上原限六年改限五年限滿不完



停其升調等因由司通飭各屬如有降信罰俸之員即以編俸銀兩按年解司抵充入撥

住支革職官奉 旨之日住支如無奉 旨日期即以准咨日住支若離任在先者即以卸事日住支革職留任降亦照此例調官奉 旨日住支如無奉 旨即以准咨日住支若四叅降調離任在先者即以卸事日住支休致告病終養官題報日住支或咨報日住支如離任在先者即以卸事日住支○陞任官卸事日住支先署後請實授官奉 旨准補日起支若無奉 旨即以准咨日起支候補試用無缺人員委署有原官缺不准支俸若署無原官缺者按照在任月日准予司庫空缺款內撥給署俸其署任額編官俸夫馬工食均應扣存歸入空缺解司○革職官奉議降罰

上海許乃大請升海州長陳王成請升泰州未繼引 見先行任事均全支養廉有案道光十六年准運司移知在長洲卷內州縣官支食養廉總以到任之日起分別已奉准部覆為全支半支區別如已奉部覆尚未到任者不准支食養廉道光十六年長洲王錫藩請升奉

俸銀如該員在任支過編俸者即以降罰之數追出解司入撥○病故官奉議降罰無論案數銀數多寡概准免追○候補試用暫署員缺及告病丁憂終養各官任內奉議降罰俸銀例于委署有缺及補官日完解○學院俸銀例應在京關支○織造俸米豆草例照原品支食即由本省藩庫支領其江甯織造應支俸米等款總照五品支給一文職支食養廉新任官由京補放者應于到任日起支全廉由外題補者如已奉部覆到任日全支未奉部覆行令赴任者半支題署咨署各員因試用人員例不即請補缺須先試署一年後再請實授故正印官為題署佐貳官為咨署實則無異請補而養廉與請補實缺人員一例支食 接奉部覆而



州引見卸事仍支長洲李任  
半廉至司中請赴部出詳  
之日住支蓋後任陳繼自宜  
興調補長洲除支長洲半廉外  
尚有宜興半廉堪支之故遺後  
陳繼陞授諸同知引見卸事  
而後任陳永成徐來准部覆  
後到任應支長洲全廉則陳繼  
不能請支半廉此引見卸事  
雖同而支廉各異者以後任全  
支半支為斷也  
除開人員卸事後仍支本任半  
廉俟奉旨除開出缺自任支  
入開人員開缺後不回本任旋  
委別項差使者以開缺之日起  
仍支本任半廉如開缺日期無  
考即以揭曉日為斷  
道光十年元和縣李連三代  
理宜興署養廉缺奉令出  
開後調補并使未回本任報明  
移交版串所有李連三接版  
串起至卸事止據屬經手錢糧

批准支食半廉有案  
告病人員以告病卸事之日住  
支如卸事在前告病在後以  
告病交到司日住支惟道光  
十九年間無錫吳時行告病卸  
事廉銀曾支至開缺日止  
督撫藩臬陞調後應支他省  
養廉預在蘇省支領詳咨者  
應辦有案  
養廉捐款如慶三年楊升司  
酌定署理撫原官缺養廉半  
歸如曠者概歸署任全捐其有  
原官缺者養廉既正署任支  
捐款亦應各半分捐通詳遵照  
院司道養廉捐款曾經詳明  
從道光十年起無分正署歸  
現任全捐

後赴任者准予到任日全支未奉部覆先行赴任者照暫  
署之例從到任日起支食半廉俟接奉部覆日全支○舊  
任官係陞調事故之員均于卸事日住支其奉差或因公  
離任之員概于卸事日起准支本任一半廉銀回任日全  
支○委署之員不兼本任者無論有無原官本署任養廉  
各支一半如兼本任者全支本任半支署任其丞倅佐貳  
委署正印及丞倅佐貳互相署理者悉照此例支食若上  
司兼攝屬員正印兼署佐襍者祇支本任養廉不准再支  
署任廉銀如係試用候補人員署理均支署任半廉○知  
縣聘調入闈則養廉均歸本員全支代理廉缺之員向無

養廉出給如廉員出闈後別有事故不回本任者代理官  
應從奉文署事日起准支署任半廉查道光五年入闈之  
江縣張敦道出闈後均未令回署任而代理廉缺之元和  
縣丞王作楨宜興縣丞汪世槐委其接署仍令支食縣丞  
養廉因無定例○佐襍各員俸滿赴省驗看及委派科場  
執事暫離本任者養廉銀兩仍由本省全支而代理之員  
並不支食○督撫藩臬進京 陞見卸事後仍支本任半  
廉道府以下各官赴部引 見者養廉銀兩均于卸事日  
住支回任日接支○督撫藩臬因公出差全支本任養廉  
道府以下各官因公出差半支本任養廉○督撫藩臬如  
奏請病假卸事養廉銀兩以卸事日住支道光四年五藩  
司病假請咨部



示○督撫藩臬陞調別省向以奉 旨之日起分支新舊  
任各半養廉自道光二年十一月內奉部行知督撫藩臬  
奉 旨陞調令赴新任並不進京陞見者在途期內不准  
支食新任半廉如進京請訓者以奉 旨日為始至到新  
任以前一日止准支新任一半養廉又道光四年間奉准  
戶部酌定章程督撫藩臬奉 旨陞調別省其養廉一項  
凡係來京陞見無論何時交卸舊任總應以奉 旨陞調  
之日起至到新任前一日止准支新任半廉如奉 旨陞  
調並不陞見暫在舊任辦事尚未交卸者該員既經陞調  
其未卸事時即與署事人員無異所有應得養廉自應以

奉 旨陞調之日起扣至交卸舊任之日止祇准支食新  
任半廉不准重支舊任養廉若一經奉 旨陞調即行卸  
事又不進京陞見者應于交卸舊任之日起至到新任前  
一日止在途期內一概不准支給仍俟到新任之日支領  
新任全廉等因其奉 旨日期應以內閣奉 上諭之日  
為斷

一蘇省各屬年額徵解蘇道漕項銀六十六萬餘兩以抵解  
給輕費通餉各幫運費行糧各款之用全漕起運之年應  
用銀三十四萬餘兩設被災歉年分幫船減歇運費行糧  
雖少則有應給減船苫蓋月糧等銀是以每年漕項須得



解足六分方可供支例載江蘇省每年上下忙應徵行月錢糧定限十月完解十分之六給丁濟運解不足數州縣官罰俸六個月將應給起運不敷之項在于道庫減存款內墊給再限三個月解足歸款如再徵解不足即行指叅罰俸一年所以江蘇兩糧道漕項厯循例案按年詳叅議處

一蘇省交兌漕米幫船除靖江太湖崇明三廳縣無漕外其餘三十二州廳縣運漕幫船共有四十幫業經宋觀察議詳掣定正幫三十四幫掣剩六幫找兌各屬漕糧三年後散幫改為正幫輪兌推轉所有州縣歲用額船隻數開後

蘇太二屬

長洲縣一百四十三隻

元和縣一百四十二隻

吳縣九十三隻

吳江縣一百三十七隻

震澤縣一百五十四隻

常熟縣一百三十八隻

昭文縣一百一十四隻

崑山縣一百四十四隻

新陽縣一百隻

太倉州九十七隻

鎮洋縣九十七隻

嘉寶二縣漕船僅須九隻于掣定餘船及掣剩幫船內撥兌

松屬

華亭縣六十隻

奉賢縣五十八隻

婁縣六十一隻

金山縣五十九隻

上海縣七十九隻

南匯縣八十隻

青浦縣九十隻

川沙廳



常屬

武進縣 五十隻

陽湖縣 六十隻

無錫縣 四十隻

金匱縣 四十隻

江陰縣 七十隻

宜興縣 五十隻

荆溪縣 四十隻

鎮屬

徒陽壇三縣 向以鎮江前後兩幫船隻坐兌如有不敷裝運在于蘇常淮三府流兌之泗州前後

兩幫船內找兌

溧陽縣 向以江淮三六兩幫坐兌以上四縣仍請照舊毋庸更動是以兌米船數亦無載明

輪兌各幫船數開後

鎮海 前幫三十六隻後幫

太倉 前幫四十六隻後幫七隻

蘇州 前幫七十五隻後幫四隻

金山幫 三十三隻

淮安頭幫 五十二隻一幫四十二隻二幫四十二隻三幫四十二隻

興武頭幫 六十二隻一幫三十二隻二幫三十二隻三幫三十二隻四幫三十二隻五幫三十二隻六幫三十二隻

江淮頭幫 七十二隻一幫三十二隻二幫三十二隻三幫三十二隻四幫三十二隻五幫三十二隻六幫三十二隻

大河三幫 六十二隻一幫三十二隻二幫三十二隻三幫三十二隻

廬州二幫 七十二隻一幫三十二隻二幫三十二隻

鳳陽中頭幫 六十二隻一幫三十二隻二幫三十二隻

長淮頭幫 五十四隻一幫四隻未考



揚州頭幫七十隻儀徵幫七十隻

滁州蘇幫四十隻

泗州前幫未考

明初永樂遷都燕京各縣漕糧由民運交淮徐臨清德州四倉再由軍船接運入京通二倉名曰支運宣德六年江伯陳瑄上言民運各倉往返經年失誤農業議令民運淮安瓜州兌交軍運至京給其路費耗米為之兌運迨成化七年應天巡撫滕昭請令軍船徑赴水次受兌名曰改兌復加過江米一斗而官軍長運之法自此始

例載倉庫主守之人安置不如法晒瞭不以時致有損壞著計所壞之物坐贓論罪杖一百徒三年等語淩陽吳亮糧倉變米穀即照前例辦理所短米穀照例價折實追賠期限二年完繳其經管倉庫漕書聲聞問明本官不敢私自啟封尚無侵挪情弊免其置議奉部覆准

一屬庫虧空叅後無著之項本員計數治罪未完銀兩作為十分向例以五分按其虧員在任月日于該管府州名下攤賠其餘五分就款請銷直隸州叅虧無完者例由巡道攤賠五分道光七年六月內接閱邸抄戶部奏奉上諭叅後限滿未完數目府州分賠五成餘著失察道員分賠二成藩司分賠二成巡撫分賠一成均照代賠例限按銀數多寡分年完繳倘有兩案應賠者准將前案完清再行接繳後案至已叅未結之案亦照此例辦理

一丹徒縣王臺虧缺分賠銀兩從王令到任之日起限截至病故之日止因病故在先揭叅在後耳桃源李燮虧缺分



賠銀兩從到任日起限截至揭叅之日止因揭叅在先病故在後耳再李燮叅案江藩司分賠銀兩賀藩司即係揭叅之員並未失察扣除免賠其王臺虧缺賀前司亦係原揭仍行攤賠與李燮之案不同即起止月日亦有互異此同一分賠之案而辦非一律也

一分賠銀兩如外省咨追在任未幾向來扣除免賠今分賠王臺虧缺因係咨部飭追是以按照各上司在任月日攤賠惟空缺日期仍行扣除稟准有案

### 核辦災冊法則

蘇省地方凡遇災年一經勘定司中則飭取區畝頃畝斗則災分細數屬冊為憑分別核辦而災成五分以上者錢糧應行蠲緩假如五分災田應徵銀一千兩米三百石內該災蠲銀三百兩米一百石蠲剩銀七百兩米二百石分年緩徵解運如四分以下皆謂勘不成灾例准將應徵銀米緩徵所有驗分蠲緩細數須先查造法則一冊備驗分晰地漕之用歷將法則一冊附釘災冊之後所造法則總以新釘全書開載應徵銀米分列折色本色兩項明初祇徵米賦後兼徵收錢課故名錢糧而全書內又名本折其本色者係漕南等米折色者係地漕等銀即係將米折銀派徵并徵丁役之銀賦也設訂定全書年分之後復有陞坍應以陞科銀米各若干坍荒



應蠲銀米各若干于應徵額內增除須符現辦丁田奏銷冊內之總數為準而  
陞冊必須逐如有向來不派漕項之縣不派漕項者如應  
年軋准為要將襍辦及漕贈十銀兩款于折色地漕總數內拉除其蘇  
太二屬額徵留南黑豆及有另徵漕贈五米之縣亦不派  
漕應于漕南總款內拉除陞冊及不派漕項銀米數目總  
均須逐一列拉見實該地漕銀米兩大數而銀款法則即  
出並不暗縮將隨漕等項等項除漕贈額撥漕項即係地丁項下外該  
銀若干即實該地漕總數以此為法再將地丁漕項各款  
按款列額為實歸見每兩應扣若干再以災田應徵錢糧  
除漕贈襍辦外實該之數乘之即見地漕緩數如有鹽課之縣亦即

一體驗計此銀款法則至米款應將漕南等米列額除漕贈外  
列出實該漕南米數以此為法再將漕白南恤分為兩項  
列額為實歸見每石應扣米若干再將災田應徵米石除  
漕贈五米外實該之數乘之即見漕南緩數此指勘不成  
成災之年則應緩各款與法則驗扣各數應將銀款項下  
之地損驛俸漕贈項白糧經費及米款之漕白贈五行  
南恤等各細款一一列額再白糧銀米例不扣蠲即大災  
驗造大旨斯然臨時琢磨道光三年蘇省大災曾將白糧米  
之年亦祇准緩徵石白糧經費奏准分限二年帶徵如遇  
大災辦緩者應將白糧銀米專款列額驗緩○辦造成災  
五分以上蠲緩錢糧各數冊造法首以一縣之原額田數  
列明再分列出成熟田若干勘不成災田若干被幾分災



田若干次將屬報災田斗則細冊逐一核明即照全書斗則驗算每畝該科平米若干共米若干再將平米總數驗該每石應徵本色贈五米麥豆石及人丁襍辦漕贈等項銀款各該若干此等款目各縣不一復以被災田畝驗該應即各就各縣驗算每畝應徵徭里地畝各若干核計被幾分災田共應徵起存地漕人丁襍辦等項銀米各若干核計被幾分災田共應徵起存地漕人丁襍辦等項銀米各若干查照法則內之地漕銀米每兩每石應扣細數乘見江蘇二道應徵災田銀米各數并結一總內除白糧銀米各該若干例不扣蠲外拉出實該銀米乘見應蠲免十分之幾銀米若干再

分兩糧道應蠲之數又核出蠲剩緩徵銀米各該若干再分兩道應緩之數其鹽課地丁亦照法則乘核蠲緩數目江道揚倉行月惟松屬有此米款至本司地丁款內又應鹽課一款亦惟松屬并崇明有之驗分地丁損腳俸工驛站祇應各細數本色南恤款內亦應驗分南糧恤米黑豆各細數再蘇道漕贈五米漕贈十銀止就平米乘出之總數列冊不于地漕總數內驗派其地畝襍辦二項專于地丁款內驗分蠲緩此指辦造五分以上災田應行蠲緩錢糧而言若係勘不成災田地又須另造一冊應緩地漕銀米悉照前法歸算核該緩徵細數即以法則內每兩每石應扣若干乘出司道地漕各若干



而地丁項下又應分見俸工驛站損腳各款緩數及南恤  
行月等各細款

辦造全書法則定例十年纂修一次而辦不依時或  
隔十五年或兩屆併辦皆有成案因  
各屬田畝陞坍不一原額科則不符以及或有因時  
更變舊章并俸工或增或裁凡關涉錢糧者均須訂  
正以備  
考核

一人丁為一則

應以奉造全書截至某年止即查某年奏報實在男丁人  
數開列除去上屆全書內載原額充餉當差人丁外餘即  
今屆全書內應列之節年滋生人丁分別開造其應徵人  
丁銀數仍照舊額開載緣滋生人丁康熙五十二年欽奉  
恩詔永不加賦是以毋須更動

一田地為一則



應以上屆考訂之極上屆乾隆三年原訂田地平米本色折色為始照寫至現在徑接之上屆全書某年考訂錢糧田地平米本折閏月止其中如有字句未妥協者考核訂正今屆之內如有陞科即應接寫自某年分起將新陞田地平米本折正閏并隨正應徵幾分耗羨各若干分列各數一條不必結總按年將陞科逐起列明然後核結各年一總再將冊荒田地按年核案挨順接寫內除某年某月內一件某事案內奉豁某項田地或係冊荒或係捐置義塚凡應豁糧賦者均須列入若干頃畝應減平米若干并本折正閏耗羨各若干按數分列亦按年逐案敘載結明各年一大總遂接寫計今訂項下自某年以後即係上屆全書截止

年分起至至現奉重纂年分止即係今屆截止年分以增抵減外陞增若干如冊多陞少應減若干須將田地平米本折正閏耗羨各數逐款分別然後另行高一字接寫以上原管原分管者因蘇省各縣分設者多如元和係長吳分設之新縣金匱係無錫分設之新縣之別是也原編續編今訂寔在田地并平米本折正閏耗羨各數其陞冊田地即于各斗則內分別增除拉見寔在田地平米各數結出以上統共折寔田地銀米是否與今訂全書內寔在相符如有多少應須更正不可遷就錯悞再驗每畝科則核明後接造襍辦

一襍辦為一則



襍辦如無劃分兼轄者歷無更動不過就數核數改易年分而已再接再

解支

### 一解支各衙門起存細款

解支細款應按款查明有無陞除或前有悞失或現有裁改應行訂正均須核同各衙門現運現奏之數為準現運糧道現運漕項各款之數現奏者係藩司如漕糧正改兌運司現辦之地丁俸工鹽課各款之數加四加三耗米應核同糧道開帑米數冊至漕贈五米各倉行糧行月等米以及隨漕各款銀兩應核同糧道奏銷或彙咨各數冊其地丁南恤俸工等款銀米應核同藩司衙門地丁俸工南糧奏銷各冊之數而鹽課驛站兩款應

核同運司臬司當年現辦奏銷冊數核准後即照舊書式樣分結細總再接寫解支各衙門寔徵大數即行結造

以上丁田襍辦等項大字總數結完之後銀須核對丁田奏冊米則對核書內以上原續編今訂之數是否相符符則先將人丁襍辦查照全書所列田地項下平米寔徵銀兩其田地項下平米及寔徵銀兩各縣不同並不畫一同原額總數歸見每項各細數次將書內每畝科徵地畝徭里細數再按現在田地乘見總數乘明後即查有無折糧如有折糧亦就現在田地乘見若干再將斗則內之漕贈十銀五米二項開明細款改正總數次用大字之寔徵總數復以襍辦襍辦須連另徵之銀一併扣除人丁



地畝徭里有折糧即就糧贈按款算除拉見寔在本色折  
色各數拉準之後即以現在寔數與平米歸出每石派徵  
細數其漕贈銀米并遇閏減徵增徵各項亦須逐條歸見  
細數再將平米一石派徵本色漕贈二項細數并見若干  
又將折色并漕贈十銀二項併見若干閏月以增抵減外  
米則併見增米若干或減若干銀則寔增若干又將每畝  
派徵地畝徭里併見若干另摘一頁如遇三斗二升則田  
即用三二乘乘之如二斗五升則或一斗二升則即用二  
五一二乘乘之乃見各田每畝科徵之細數也惟折色一  
項乘後須再加每畝派徵地畝徭里銀數始為準確遇閏

亦然算清以後以散合總相符者則全書告成也



謝幕清理司庫附儲借款四柱冊式并劃清法則

某某一款

舊管

某藩司某年某月某日卸事止

存庫銀若干

借出未歸銀若干

各屬欠解銀若干

以上存借欠三項共該銀若干

新收

自某年月日起至某年月日止



正收銀若干 係收屬解本款謂之正收內

一于某年月日某縣解銀若干

歸墊銀若干 係歸借內出之款

一于某年月日收歸某款原借銀若干

開除

自某年月起至某年月日止

正放銀若干 係本款應放之項內

一于某年月日放某處領某項銀若干

墊出銀若干 係他款借動此款內

一于某年月日借放某處領某項應待某款

實在

歸還銀若干

存庫銀若干 如無存庫即登存庫無項

借出未歸銀若干內

某款未歸銀若干

各屬欠解銀若干內

某縣欠銀若干

以上存借欠三項共該銀若干內抵

歸還原借各款銀若干內

某款銀若干 如款數繁多另造一冊附後者即登另有備核冊附後



應放本款正支銀若干

以上無盈無絀適如其數

係存借欠三項共數抵支應歸應放銀兩

無餘無缺倘有餘剩者應登

以上有盈無絀計餘銀若干

按其冊式不過逐款列清墊出借進本款收支屬欠銀數條分縷晰明白無遺之賬惟其畫正之法乃見精詳權變之旨假如乙款借動甲款銀五百兩墊出丙款銀亦五百兩即以丙款未還之款之五數徑作欠歸甲款之墊出列入甲款冊內借出未歸之下就乙款以欠抵欠推出畫清無干涉矣又如甲款借動乙款銀一千兩墊出丙款銀僅五百兩本款存庫祇

有二百兩餘少三百兩係屬欠之項則將墊出丙款徑作未歸乙款對渡抵消又以存庫放還並將屬欠三百兩亦虛提歸清乙款而甲款庫簿之上列明墊出放還原借乙款銀三百兩登註屬欠本款解到儘先收除銷墊款款如此畫正而司庫輾轉借墊之端無復萌矣所謂明墊之新章確非泛比也

維時適辦清查屬領款項多餘之際故能畫正也請豁二次

附錄劃正款項稿

為劃正事案照司庫附儲各款輾轉借墊自乾隆四十五年吳陞司七任起至今尚有借出未盡銷結之款其中應



存不存不應存而存者十居七八現在清釐之法以各清各欠為主如甲款雖存銀一百兩而有借欠乙款銀五百兩者即將此原借五百兩之數全行畫正則甲款實在墊出銀四百兩明列庫簿之上而乙款應存之數亦復分厘無缺此改從前暗欠之舊習為今日明墊之新章于堂報總數既毫無出入而細款存墊得以名實相副從此存者是存墊者是墊按籍鉤稽不煩搜索節查賬之精神為歸補之工夫庶幾事簡易行可期積墊漸清除俟各款查竣概行畫正之日彙冊詳院外所有嘉慶二十五年止某項一款清庫房冊內有借欠某某等幾款合行發冊劃正諭

到該書即于嘉慶二十五年止某款內劃出銀若干兩收還原借某某等幾款彼此登明收放庫簿以正款目而清存墊毋違

計發冊 照借進冊繕發

再查藩庫出納錢糧從前向分正耗存附四大款庫簿凡此四項內之各細款收放銀兩歸入四項庫簿統收統放名曰硃收硃放設有糾纏殊難清理亦由謝幕改設按款立簿按堂分列四柱并分年分登開方歸清晰並設春秋歲三撥庫簿凡有營屬及外省解到銀款如係報部之項而本款毋須動用者均入三撥庫簿報部充餉







蘇藩政要卷下

吏科銓政節畧

補缺例案及  
外定章程

一陞補調補告病病故休致丁憂叅革等項事故應行開缺者總以該省具題具奏出咨之日作為開缺日期

一各項甄別休致及改補降革之員奉有諭旨後由部行文知照該省即以接到部咨之日作為開缺日期再行分

別題補

專指州縣以上奏請甄別叅劾開缺人員而言

一現任正印佐雜各員原籍咨報丁憂到部在先如係選缺即歸部選如係在外揀選題調要缺行文該省以接到部咨之日作為開缺日期至該省接到該員原籍咨報聞訃



丁憂日期在先當即具題具奏咨部開缺者無論要缺選缺應照例以該省具題具奏出咨之日作為開缺日期

一道府請 旨缺出概不准在外保題陞補其應歸部選州縣等缺祇准將委用試用之員題請補用亦不准以現任人員題請陞調

一由部陞選所遺應歸月選及揀補各缺均不准外省扣留請補如大計叅劾應歸部缺之缺亦不准聲請扣留

一部選知縣缺內有丁憂叅劾二項所出之缺除辦理軍務出力欽奉 特旨先儘補用人員仍准扣留題補外其餘概不准扣留

一知縣改教并撤回以原官改補之缺如有候補人員亦准留補

一知縣終養迴避所遺之缺如有候補人員准其扣留題補一坐補人員應俟原缺出時補用

一州縣應調缺出照例以對品現任人員揀選調補如現任無合例堪調之員准以候補人員題補如候補無人方准以應陞人員題請陞用

一同知通判州縣如奉 旨命往補用及督撫題明留於該省候補並拿獲盜犯等項著有勞績人員引 見發往原省以何項補用者無論應題應調應選之缺准先儘酌量



補用

一河工及催漕各項知縣奏准先補即補者無論有無本班字樣照試用班次輪用有到省先後者照奉 旨日期先後序補同日奉 旨者照到省日期先後挨補

一進士即用知縣請補選缺照甲第名次挨補如補題調要缺准酌量才具補用

一候補直隸州知州准其借補府屬知州同知准其借補通判無論陞調所遺及告病病故休致各缺俱俟本項應補無人方准借補其委用人員應俟陞調所遺應歸月選之缺本項委用無人方准借署遇有告病病故休致之缺仍

歸部銓選初任捐納分發人員俟本項缺出方准題署仍不准其借補別缺

一孤缺無缺人員俟各本班積缺之員補用五缺後准其正從對品借補一人如正從對品之項又係孤缺無缺准其再降一等以小缺借補仍於應行借補之各項人員統較先後補用至借補之員於接到部文之日積缺起遵照奏定之例辦理

一候補加捐分發人員試用一年期滿遇有缺出初捐之員補用三缺後補用一人即以奏准之日為始如原捐名次到班亦准補用



一候補分發三缺得一之員到班時適遇間用並五缺借補及正班議敘人員四項同時到班應先用間用次用候補分發三缺後用之員再用五缺借補之員方用議敘正班人員

一候補委用佐雜人員遇有應歸月選缺出候補者准酌量咨補不准咨署委用者准酌量咨署不准咨補

一佐雜等官如由初任揀發及試署未經實授仍赴原省委用人員遇有應歸月選缺出與各項候補人員揀選才具先儘酌量咨署

一大挑知縣以科分名次為補缺之次序科分名次相同者

統較省綱之先後丁憂人員到省試用一年期滿甄別後仍應照原科分名次序補病痊捐復兩項人員均歸于咨取到省人員之後咨取未經到省人員之先統較回省日期先後序補

一曾經得缺及試署未經實授仍赴原省試用人員遇有相當缺出先儘此項人員補用不得以分發各員越次攙補

一選缺知縣告病病故休致三項所遺之缺應用各項候補

一人大挑前先用一人大挑試用一人又輪應試用大挑到班之時委用大挑知縣亦准題補

一選缺知縣陞調所遺之缺應用各項候補即用一人委用



一人大挑一人各項候補即用一人委用一人議敘一人各項候補即用一人委用一人捐納一人拔貢一人拔貢補用兩班之後用教習一人教習之後用教職一人週而復始

一佐雜缺出例應各計各缺用捐納二人議敘一人輪流補用

一道府以下佐雜等官以上各員有因承辦要務出力著有勞績保奏欽奉 特旨留於該省先儘補用及遇缺即補者即遵 旨歸于候補班內無論應題應調應選之缺悉准酌量補用如有奉 旨以本班先用即用者應各歸本

班之前先用一人不積各本班之缺其有奉 旨留於該省補用委用試用並無先補即補字樣者即以奉准留省奉 旨之日作為到省日期歸于試用班內照捐納試用人員各按各例分別辦理

一捐班人員例用續增武陟二人武陟投効一人豫東一人續增武陟二人武陟投効一人土方一人續增武陟二人武陟投効一人土方投効一人續增武陟二人武陟投効一人豫東一人續增武陟二人武陟投効一人衡工一人續增武陟二人武陟投効一人豫東一人續增武陟二人武陟投効一人



工賑一人續增武陟二人武陟投効一人川楚一人四九三十六缺為一週

一佐雜缺出例應各計各缺如從九應補之各項大使及府照磨司獄巡檢等缺又未入應補之各項大使及府檢校典史等缺俱分門按班補用並不通融計算

一凡應以接到部咨之日作為開缺日期即照各項照限減半之例核計該省程限以減半之日作為開缺日期

一鹽運判到省在五年以上補足知縣捐項銀兩請以知縣改補者遇有中簡知縣調補所遺員缺仍按從前到省日期與各例試用人員一體比較到省先後題請署理其有

出缺在先補繳銀兩上庫在後者仍不准其補用得缺後即以捐班積算

一鹽知事到省在五年以上尚未得缺遇有巡檢典史應歸月選之缺以從前到省日期與本項人員統較日期先後酌量試署

一大挑知縣借補直隸州州同州判府屬州同州判府經歷縣丞鹽庫大使等項如逕調繁缺知縣則以借補佐貳之日扣滿三年方准調補若請調中簡知縣仍歸大挑本班與未經借補各員統較從前到省日期先後按班敘用

一蘇松太等屬正佐缺出輪應籍隸浙江杭嘉湖三屬人員



頂補者詳定章程一面照例詳補一面飛咨浙省查明如在五百里以內例應迴避者俟奉部准補後再行揀選甯蘇二屬與該員現補之缺優苦相等者詳請對調不必俟其到任三月自行呈明以息爭端而彌口實

一各屬正佐缺出詳定章程撫憲衙門題咨及接准部咨出缺之日起於十日內行知兩藩司遵照定例以出缺之日起限一月內詳補以昭核實而免延宕

一各屬正佐缺出詳定章程俱令一律通報毋庸由府州遞轉撫憲衙門即據原報題咨開缺以免稽延其告病告休二項一面通報一面委驗各予十日之限撫憲衙門奏定

二十五日以內題咨開缺



禮科節畧

一節烈貞孝婦女孝子宜沐旌揚而厚風俗其節婦三十歲以前寡守逾五十歲者為合例未及五十而死計其守節已過十年或適在十年而亡者亦皆為合例准其節屬具

呈學官

即教官也

或隣族公呈學官由學採訪守節事實

事實者以

其婦之在家幼勤女紅知孝父母出嫁順夫而敬翁姑克己而和妯娌夫亡而能生養喪葬其親教子成立三從四德婦道完成守節取同里隣族切結造列事實冊結出苦情敘列實跡也

具看語

看語者係學官照依事實藻美其節宜得旌揚也

牒縣加看通詳督撫學

三院藩司本府五處而藩司接到縣詳批府查明彙辦府

中將所屬各縣詳出節婦彙加看語詳司司中按季臚敘



各府州屬節烈貞孝再加總看轉詳三院由撫軍將藩司  
一歲看詳節孝于次年二月內主政題旌向來節孝貞烈  
婦女辦旌縣府  
司三處俱係逐件看轉由院彙題道光二年由江都縣令  
陳文述以辦旌節烈貞孝由學按起移縣縣府彙敘數件  
詳轉司中按李至事實冊結須得八套方敷送轉 烈婦  
看詳議詳定案  
係夫死殉節捐軀或因無子又乏承嗣翁姑無存志願偕  
亡或誘污不辱或逼醮不從而死者皆應請旌 貞女係  
未嫁而夫先歿立志不事二夫情願過門成服勤孝翁姑  
撫教嗣子成人身存而年例已符或在家守貞或父兄奪  
志另配不從而死者皆應請旌 孝女係因父母皆老又  
無弟兄奉養曲盡孝道生養死葬或弟兄遠游在外能任

子職不憚勞苦守貞未嫁者皆應請旌至例給節烈貞孝  
建坊每名銀三十兩應俟奉部題覆後方准由縣出文給  
屬赴司請領在司例動司庫地丁正款

一捐田贍族五世同堂五子登科壽過百齡一產三男悉屬  
盛世之瑞皆應請題給帑分別建坊並給絹肉銀兩而捐  
田贍族數有千兩以上者方准請表千兩以內者祇准詳  
院由司給匾如有萬兩者請表建坊之外並准議敘至于  
捐賑辦賑工程亦計銀數多寡分別辦請議敘給匾

一各州縣皆設書院延請博學端方之士為學長培育人材  
一切經費由州縣官捐辦而蘇城所設紫陽正誼二書院



係省會之表率由院司延請致仕之大位在院評課歲需  
師生膏火修儀及一切經費紫陽應支司庫關規生息正  
誼係動司庫田租沙租及發商生息濟用至生童膏火數  
有厚薄而課試亦有內課外課附課之別附課並無應給  
膏火其內課每名月給膏火銀三兩外課每名月給膏火  
銀一兩五錢紫陽書院例取內課四十名外課八十名正  
誼書院取內課二十五名外課五十名道光六年奉撫軍  
因該書院考試人數較多紫陽增廣內課十名外課二十  
名正誼增廣內課十五名外課三十名  
一捐置祠墓祭田有咨部不咨部之別如其祠主之人入祀

鄉賢或忠孝節義題旌有案或載入縣志可考者無論田  
數多寡均准詳請頒給司帖須由縣通詳奉院批司議覆  
司中即可一面詳覆一面頒  
給司造冊詳咨冊係祭田坐落某邑郡畝數  
也司中彙敘數案一年一詳若祠主雖  
經出仕並無德行可考或係舉監生員庶民其子孫捐置  
者祇准辦請給發司帖例不咨部至祭產給有司帖既可  
免派輪產當役並杜子孫盜賣廢棄也  
一定例會試舉人江南浙江江西湖南湖北限十月如期起  
送如司府稽延違限聽禮部查叅等因



刑科節畧

一囚遞口糧鹽菜例支各數一本監人犯每名日給口糧米八合三勺鹽菜錢五文一遞解勘審到境寄監及發配過往寄監人犯每名日給口糧米八合三勺鹽菜錢五文一軍流人犯到配日起每名每日祇給口糧米七合九勺五抄鹽菜錢文不准支給例限一年後不給口糧聽其謀生徒犯到配口糧鹽菜均無支給自為謀食所給口糧應動常平倉穀鹽菜錢文以錢一千合銀一兩按年統于年底截數造冊報銷俟奉有部覆准銷後具文赴司請領歸款買補穀價

例價每石銀六錢

動支司庫地丁鹽菜動支司庫耗羨



嗣于嘉慶十九年起鹽菜錢文應照各該州縣報部錢價  
合算造報不准以千作兩

倉穀石價參虧案內刑部議價每石作銀五錢

一遇有地方被災糧價騰貴即應詳請動碾倉穀平糶以濟

民食而平市價

設災重米貴民情急迫應即一面出稟一面碾糶如民情可緩者應俟接奉撫藩批

准然後

其糶變穀價銀兩或儲縣庫或解司庫待成熟糧

價平減之年買穀歸倉造冊報銷糶價銀兩買穀盈餘應

行解司報撥充餉

災歉之年南糧蠲緩短缺兵米及恤

孤米石亦應詳請奏借撥碾常平倉穀濟支造冊咨部仍

于災緩縣分帶徵南糧款內飭撥解還原借各縣歸倉每

米一石抵穀二石計算

一災重之年米珠薪桂有司即應親詣市所勸令平價一面

出示禁遏販戶囤積居奇並勸殷富開廩減價平糶或詳

借司庫銀兩向成熟省分採買米石運回糶濟

道光三年由長元吳

三縣稟經林臬司詳院請借司庫封儲銀九萬兩專屬赴

江廣一帶採買平糶並請奏明經過關隘免稅奉

旨

俞允有案



工科節畧

一蘆課錢糧係民間所完蘆田之課也凡臨江濱河之處傍岸漲起尚在水中名曰水灘漸高齊水者名曰泥灘阜有草生者名曰草灘可植蘆葦者名曰蘆灘歲輸每畝之條銀謂之蘆課每年亦分上下兩忙啟徵解司並無糧米應完各屬蘆灘轉墾成田蘆課錢糧壓下一年徵收謂之壓種植五穀者不少徵緣蘆柴須至仲冬樵斫變價當年不能按忙徵輸是以壓下一年徵解隨同地丁查造分忙完欠冊詳奏次年五月底截數專案辦造經徵接徵及督催各職名奏銷冊詳題蘆耗銀兩隨正徵解司庫彙入各耗報銷如有未完照



淮徐等倉錢糧例議處再蘆灘不辦旱災因其地土低窪  
早無傷及如遇水災不致汪洋漫溢淹久亦無損礙間有  
傷歉又緣賦輕不辦蠲緩故自乾隆四十六年風潮辦災  
以來直至道光三年復辦蘆田水災而辦灾情形悉與漕  
田相同其成灾不成灾驗蠲驗緩應按蘆課全書科則計  
算至於請奏請題事宜須由總科同戶田被灾併敘辦詳  
一營船有內河外海之別內河船工定例自新造之年為始  
歷三年小修小修後歷五年大修大修後歷三年再小修  
小修後再歷三年如果船身板片勘明朽爛准其拆造新造  
內河營船共限十四年中倘船身尚屬堅固仍准大修○  
間歷小修二次大修一次

外海戰船定例自新造之年起歷三年小修小修後歷三  
年大修大修後再歷三年如船身勘明不堪駕駛准其拆  
造新造外海戰船共限九年中歷一其扣限均以完工日  
起連閏扣算其修造銀兩各有定數載在戰船則例戰船  
拆造應將舊船板片桅檣等項舊料估價變抵于報銷冊內扣除辦詳  
屆修屆造之年各先查造工料用數估冊送司分上下半年彙詳請制軍  
核奏一面領銀興工修造通報開工日期然造完竣通報  
完工日期然後司中取造估冊銷冊委員勘結分別辦詳  
○沿江營分亦有戰船在江巡操蘇省惟京口三營并駐  
防蒙古八旗營有之  
與外海戰船無異其外海外營戰船歸蘇松太道經理在



上海船廠修造詳奏放銀事務由蘇藩司會道辦理京口  
綠旗各營戰船歸常鎮道經理在鎮江船廠修造詳奏放  
銀事務由江藩司會道主辦內河營船皆由坐落地方州  
縣經辦修造

一外海戰船有大船沙船捕匪船燕尾稍船四項船名  
從前尚有商船凡遇修造由蘇松太道承辦另有濶頭舢  
同安船之名

板外海小哨二項船修造向歸南匯寶山崇明三縣承辦

一內河營船不名戰船而名營船又名巡船者因無官兵水操不過巡緝內河匪類之用名有十

一種係二槽哨船四槽哨船槳槽樓哨船唬巡船吧唬船  
大快船小快船沙快船哨船小哨船巡船也係按營分大小汛守河塘

城市鄉僻地處情形而設使其便於巡查耳屆輪修造應歸坐落營汛之縣經  
理

一營中官兵分司有二一派護守城差操一撥汛巡防緝匪  
而汛地兵房煙墩炮臺修造者由坐落州縣承辦保固年  
限內地營汛自修造之年起保固十年沿江沿海營分保  
固六年限外坍損准其估價請項動修限內坍壞者著落  
原辦官賠修

一常平倉監獄工程定例保固十年城垣例應保固三十年  
限外坍壞准其請項動修限內損壞原辦之員賠修至漕  
倉應由辦漕之員捐修即使損壞不堪亦惟在縣籌攤補



一修理衙署文職自道府以下武職自副將以下准辦而文職衙署例准借支司庫存公銀欸興修若上屆借修之項未經扣清者不准借修其借支銀數亦有定制道府不得過一千五百兩州縣同通不得過一千兩首領佐襍不得過二百兩如添建佐襍衙署准借三百兩各于養廉內分年扣解歸款道府州縣分限三年州同通判分限四年首領佐襍分限八年教職照佐襍之例于俸齋銀內扣限八年繳還道府以上各官不准借修惟學政准照道府例借辦均從領銀一月後起限按日扣算彙解至原修官限內卸事未扣銀兩後官接扣完清惟正任官准借署事之

員不准借修武職修理衙署准其造冊報部請修其動項之數副叅不得過八百兩遊擊不得過六百兩都司不得過二百兩守備不得過一百六十兩千總不得過一百兩把總不得過八十兩保固年限亦准十年限內坍塌原辦官賠修惟衙守備衙署例照州縣借項動修扣還不准請銷近來武職修署均照文職例借辦扣還

一河道關涉漕運官塘大河過有淤塞應挑者例准動項興挑造冊請銷如係支幹內河藉灌農田淺塞須挑者或借帑挑辦按田徵還或派田業分挑按畝計畝集夫興辦此謂業食佃力也而東鄉松太二屬開挑河道有編夫應役赴工從



事之舉

與業食佃力大同小異

至漕運官塘挑浚雖有動項請銷之

例而嘉慶二十二年及道光四年兩次奏挑吳淞江諸河

即三江水利

宣洩蘇松嘉湖下游之水并濟漕運仍請編於蘇

松太三屬按田派徭先徵後辦緣帑項不甚充裕故以業

宜其徒陽運河向定六年一大挑每年一小挑因其朝夕

潮灌沙停易於淤塞是以年挑年積不能深暢邇年又因

如山一經雨淋卸注于河之故所需挑撈部價除以丹徒縣樂生洲租息

動用餘于司庫匣費款內動給外又有各屬公捐每年協

貼銀一萬八千兩此項協貼除有驛各縣不派外餘按大

中小三缺捐解嘉慶四年以前並無公捐協貼四年以後或照部價捐貼一倍或酌派六數無一

定嘉慶十四年始定小挑年分歸鎮屬四縣分段領挑而

大挑之年又須委令外屬州縣各分段落幫挑每年小挑于仲冬開

工由縣通報動工日期撫軍即應臨工監督熬壩奏後回

轅迫據通報工竣撫軍又須赴鎮會同巡漕御史覆奏開

壩查驗按年由撫軍兩次赴鎮監督熬壩開壩奏報而大

挑須得撫軍臨工監察也其武陽錫金一帶運河則歲無

挑撈之役因沙潮灌注不到設有淤淺須挑者其挑費武

陽向動地丁錫金係動在縣徵存義田租息挑辦徒陽運

挑挖皆因沙潮日注而河傍兩听又緣年年挑置沙土堆

積如山凡一雨淋土仍拭濁入河淺阻之患無間歲矣道

光元年孫制軍因兩听積土太高挑挖之沙無可棄置議

請攤平泥頂而壓廢積土後之民田題請豁免糧賦但附

近運河田畝積土阻碍灌漑甚難妨害農作不少非善久

之法與其每年挑費需銀二萬餘兩歲有淺虞莫若使兩



岸農民于耕隙之時畚撈河沙帶運積土棄擲于江至冬水涸時再將淺狹處煞壩挑挖數年之後河身可期深暢積土亦能漸消所需船隻工食挑費即以二萬餘兩一半給辦一半抵免應役田賦此舉必須訪選鄉里平素公正仰望之人責其督辦可收實效五年之後可將給辦工費銀一萬兩減半發之十年後積土所存無多再減工費如積土盡除工費亦可免給從前積土壓廢無糧之田仍可耕作民亦欣為也

一修造工程先由地方官將應辦情形通詳聽候司中委員查勘一面查造估冊送交委員按冊勘明加結送府詳司由司核詳請奏請咨其工料銀兩無論多寡均准先領八分工價餘剩二分應俟造冊報銷奉部准銷後找支備抵核減之項至報銷例限自領銀日起扣限三個月造報設月不能完竣之工臨時查工程奏咨事宜或專奏或彙奏按事酌請奏咨展限

或先咨後奏或咨估咨銷或題估題銷並不畫一皆由司中循案辦之凡工程事件悉由制軍主政惟城垣壇宇監獄係撫軍主辦

一橋梁有順塘跨塘之別順塘者由民興辦因為支河引水灌溉農田而設跨塘者由官動項請修藉以驛遞文報之

橋工故也

近來無論順跨官民捐辦者多

一各營請修軍裝火藥局水龍器具物件例准請項修辦如軍裝修費估需千兩以上應請專奏千兩以下准估咨報而應領部價及保固年限繁瑣不載須查軍器則例

一民用鐵舫如須經過江海採運者請給司照設立官鋪稽



查凡運到之日報縣盤驗著交官鋪收售按季造冊結報  
若內地轉運者即用官鋪連票售買以別官私

正項正款

地丁一款係地賦丁徭之條銀也故名地丁各州縣於每年  
上下兩忙設櫃啟徵而於兩忙之前應先按戶頒發易知  
由單單內註明田畝應完正耗銀數民照由單赴櫃輸完  
掣給分忙印串與民收執單串內註載每忙正耗銀若干一條之數所謂一條  
編徵者因單串內並不分註地漕損腳俸工等款名目正  
耗細數之故每縣徵解地漕皆有定額設報陞冊額數增  
除多不過百餘兩蘇省四府一州歲額徵解藩庫地丁驛  
站俸工祇應惟長元吳三縣有此支銷各款無閏之年正銀一百四十  
一萬五千二百餘兩隨正徵收五七分耗銀八萬四千五



百餘兩閏月加徵正銀一萬三千五百餘兩耗銀八百餘兩內應除留屬徑支驛站夫馬無閏正銀四萬四千四百二十一兩零有閏加銀二千九百二十五兩零留存有驛之縣無驛者則無此又祇應號船無閏正銀一千一百四十五兩零款留屬有閏加銀九十五兩零惟長元吳三縣有此留支又官役俸工祭品無閏正銀八萬六千九百七十七兩零有閏加銀四千二十二兩零係通屬又撥補荒缺役食廩膳孤貧閘夫工食及編款等無閏正銀五千二十餘兩有閏加銀一百餘兩開夫工食係有開之縣留支此款非通屬之項計共留屬徑支無閏銀一十三萬一千二百九十二兩零有閏加支銀七千一百六十餘兩奉文從嘉慶五

年留屬徑支從前一實該解司無閏地丁正銀一百二十八萬三千六百餘兩有閏增解正銀六千五百餘兩抵支本省常年應放綠旗各營官兵馬匹俸餉料乾豆草折價舵工工食紅白賞恤儀從工食省城司道俸工織造俸米豆草折價額辦緞紗新疆甘肅綢緞工價節烈貞孝建坊洋銅官價官銅雜費額解河工料餉因遞監犯穀價等項之用又奉文派辦飛金顏料布疋三項價腳奉詔恩賞老民遇辦五世同堂壽過百齡一產三男捐田贍族坊儀遇災撫卹賑濟借給口糧籽種灾兵借餉奉撥京餉外省協餉河工要需等類支動本省常年額放者先于三撥估



餉冊內指撥然後動用如遇事應放及奉撥奉辦應動地  
丁者或先放而後入於撥冊造報者或適季冊未屆辦詳  
放解者即入該季冊內咨報 漕項無閏之年額解蘇糧  
道正銀六十八萬有零隨正徵收五七分耗銀三萬七十  
六百有零閏月加徵正銀六千四百有零耗銀三百四十  
有零屬解江糧道漕項並不計閏歲應額解正銀一萬一  
千六百九十兩零耗銀六百二十四兩零因於地丁款內  
撥出故名額撥漕項其蘇道漕項動支正款者係年額應  
解輕費通餉并給起運各幫船行月運費及減歇幫船苦  
蓋看守旗丁月糧等項之用其江道漕項動支正款放給

者諒與蘇道無異此外另有支用之項因無奏冊未能載  
明歲用餘剩銀兩聽部撥充餉需二道歲收漕耗按年於  
奏銷後彙解司庫支用 松江府屬各廳縣太倉州屬之  
崇明縣于田地項下歲額徵收水鄉鹽課及損腳解費并  
隨批車腳正銀一萬五千八百九十餘兩耗銀七百九十  
餘兩此項銀兩例不計閏按年將正銀同鹽課三分耗銀  
應解浙運司庫 鹽課耗羨隨正徵收每兩五分內 餘剩鹽  
課二分耗銀同解費損腳車腳之耗應解藩庫支用 其解費等  
耗全解 至鹽課正耗運司如何支用未詳其由  
藩庫

損腳一欸蘇省四府一州歲額徵解司庫無閏正銀二萬六



千二百八十一兩零五七分耗銀一千四百三十一兩零  
閏月加正銀八十六兩零耗銀四兩零抵支常年本省武  
職守備以上各官養廉銀一萬兩其餘備給奉解京餉外  
省協餉應用水腳鞘緇線布及新疆緞疋甘肅綢緞水腳  
盤費等項之需如無過事應用即應入撥報部充餉

屯折一款蘇省四衛一幫每年額徵屯漕等項正銀一萬九  
千一百三十二兩零五七分耗銀一千四十八兩零內除  
金山幫運丁贍運月糧及蘇道灰石減存月糧又減存月  
糧贍運并江蘇二道漕項裁扣廩工等四項正銀三千七  
百一十九兩零耗銀一百八十九兩零應解糧道支用奏

報又除解司減存月糧贍運正銀三十三兩零專款批解  
入撥又除留衛徑支興化所門軍口糧衛役工食祭祀并  
撥補荒缺役食等銀一千七十六兩零實計解司屯折正  
銀一萬四千三百四兩零解司屯折及減存月糧贍運耗  
銀八百五十八兩零閏月所加不及一兩其解兌屯折正  
款並無常年應用之項隨收撥簿報部充餉

又屯田歲徵米一萬四百

一石零備支運丁行月及減存金山幫行月之用由糧道彙辦造報

雜稅一款歲收各屬牙稅正銀四千三百五十七兩零典稅  
正銀四千五百餘兩牛猪稅正銀四百六十餘兩其田房  
洲場二稅歲無定額例應儘徵儘解隨正五項稅耗解司



收入耗羨支用報銷而雜稅正銀並無常年應動之項按數入撥報部充餉

蘆課一欸歲收各屬正銀四萬九千三百餘兩耗銀三千二百三十餘兩蘆灘年有坍漲蘆課亦增減不同其正銀動支各營請修軍裝工價戰船部價及京員採辦內廷紙料價腳等用之外餘應按數入撥報部充餉

正項雜欸

官生空缺一欸係各屬縣學等官廩膳夫馬空缺扣解編支之欸也解司抵支常年應放文職試用候補人員委署無原官缺應支署俸及鹽大使加俸銀兩之用餘應按數入

撥報部充餉

錢價一欸係搭放各營兵餉制錢扣還之錢價向例搭放制錢一千扣銀一兩故及解江甯藩庫搭放餉錢由甯扣還解蘇錢價也謂一成抵支採辦寶蘇局鑄錢所需銅鉛價銀之用不准別用亦不報撥

驛站建剩一欸係有驛之元和吳江崑山華亭青浦武進無錫丹徒丹陽等縣站號支應餘剩及扣小建之欸應按數解司抵支蘇塢便民船水手工食并修理便民船工料銀兩之用外餘應入撥報部充餉

津銀一欸係松屬上南二縣於原派金山幫屯田內加徵之



項也按年解交蘇糧道庫抵支該幫贍運之用由司于次年十月內造冊奏銷

名曰津銀奏銷

朋扣一欸係各標營馬步守兵丁及額外至副將各官每年公捐之朋于春夏季俸餉內領抵劃解司庫備支各營年額例倒三成兵馬購買馬價戰船蓬索修理工料戶兵工三部公費差兵盤費京口綠旗各營官兵巡江盤費并解朋馬奏銷兵部飯食等項之用餘欸應行入撥報部充餉再各營倒斃之馬每匹應解皮臟變價亦收此欸

小建一欸係各標營官兵俸餉馬乾銀兩向以年額應支之數估報題撥由司按營將一歲之小建六日或五日應給

俸餉馬乾銀兩于營領春夏季餉內扣解司庫抵放武職試用候補人員委署有原官缺應撥俸薪馬乾及蔭襲之員世俸添設舵工貼糧三部公費各屬昭忠祠祭品等項之用餘剩應行入撥報部充餉

截贖一欸係各營官兵馬匹空缺應扣俸餉乾銀及扣署員不應支食之欸又扣各員奉議降革俸又扣奉裁兵丁餉乾等項統歸截贖由營每年于糧餉奏銷後劃歸司庫抵用各項悉與小建相同

練河魚草租息一欸係丹陽縣境之練河內每年所生水草變價息銀除由縣支修練河閘座之外餘應解司入撥報



一公庄田畝係升陽縣從前金書額內有編徵甘露金山寺觀音寺科徵銀米之款並不另收租籽此項公庄緣于前明年間邑令解萬象查出金山寺有田一千畝餘寺僧棄賣轉令捐資贖回與民耕種佃戶感戴其德每歲除完正項地漕錢糧之外餘另樂輸官租名目以充縣全薪水相沿為公庄名目繼因地丁缺額于前撥抵之外餘名盈餘迨後官不比進民不樂輸及至雍正七年奉文凡有稅前收捐數目悉行查出歸公前項盈餘錄兩解司充公

### 部充餉

行月盈餘一欸係靖江縣每年編徵行月米石該縣因無漕米兌運則無行月支給議令按年變價解司抵支買補倉穀價銀之用如無倉穀動買應行按數入撥報部充餉沙租錢文一欸係江陰縣每年徵收撫標營之沙田折租錢文除支該營領用外餘應解司入撥報部充餉咨追一欸蘇省之人出仕外省後或病故及丁憂告病養親革職勒休致仕回籍欠交任所銀欸或辦工程奉部核減應賠或承辦不妥保固限內坍塌著賠或係分賠攤賠各項奉文咨追轉行地方官著令該家屬完繳解司除應歸

該省外銷之項收入附儲咨追欸外凡奉咨追部欸解完到司隨時入撥報部充餉即有應歸原省正欸者應由該省請動別欸詳咨歸補以省長途解還之煩其蘇省咨追外省之項亦係如此辦請就近入撥

抄案一欸係奉 旨查抄仕宦家屬產業什物及准外省咨抄家產估變價銀解司或應解交戶部內務各庫或就近入撥報部充餉

文職各官編俸一欸係各屬俸工項下歲額編徵院司道府州縣正印各官俸銀除扣大員攤俸另欸解司外其餘銀兩儘數解司入撥報部充餉緣正印之官因公奉議罰俸



查深陽縣每年應征解南荒  
豆二千三百四十七石八斗三升七合  
三勺部定價值每石二兩錢七分  
錢銀千五百七十六兩九錢分中  
條案內係應額征南荒數目每  
石兩錢該正銀千四百八十八兩  
六錢二分一厘再將額征南荒以  
七分耗米見銀九十四兩三錢四分  
九厘即符例價每石一兩錢分  
之數惟折征豆價係隨同地漕  
編征所有前項折征銀正千四

百八兩六錢三分厘隨正征收  
則應征七分耗銀二百三兩錢八  
分四厘除例收銀九十四兩三錢四  
分九厘計有餘耗銀九兩四錢三  
分五厘即係從前之浮收今解  
司收入耗羨撥用

重重即以編俸抵罰尚有不敷凡遇陞遷尚有找解

罰俸一欸係文武各官奉議罰俸解完或陞遷之員找還罰

俸即行隨時入撥報部充餉

便民船舊料變價一欸係長洲縣承變舊船料物之價解司

入撥報部充餉

南豆折價一欸係深陽縣折徵留南豆價因無支用每年解

司入撥報部充餉

騾馬稅一欸係鎮江府理事同知收納解司入撥報部充餉

並無定額此款稅銀是否由販賣騾馬之人完納抑係估

價騾馬經紀應完之稅未詳來由也

藉穀變價一欸係各州縣額設藉田歲收租籽除完條漕外

餘應變價由縣按年徑支先農壇祭品各四兩存剩價銀

按數解司入撥報部充餉

部借養廉一欸係文武各官在京借支部庫養廉作抵在途

盤費到任補官後在于應得養廉內分限扣繳解司

定例文職

分四季扣完武職分六季扣清入撥報部充餉

緞紗剩一欸係織造衙門每年領支司庫正項額辦內務

府緞紗用剩工科銀兩應行解司入撥報部充餉

沙價灘價二欸係濱臨江海河湖州縣境內漲陞沙洲漲地

承買沙價及報陞灘地應繳灘價均應解司入撥報部充



餉

大員攤俸一欸前因甯屬佐雜各官老荒蠲缺之俸無以抵補乾隆三十四年議詳定于蘇屬知縣以上各官編俸內每年每兩攤扣銀二錢七分七厘一毫四絲三忽扣解司庫彙解江甯藩庫支給嗣因甯屬荒缺佐雜之俸於正項內撥補無須解抵歷年收入附儲墊借無存迨于道光元年清釐司庫清出此欸全數報撥並從元年起屬解到司隨時入撥報部充餉

每年除崑山丹徒二縣無解此外各州縣共有攤完解司銀五百八兩零

核減工程一欸係各官承辦地方各項工程營房軍裝戰船及災賑軍需等案造冊報銷奉部核減工價并不准開銷

之欸應著原辦之員賠繳解司入撥報部充餉

裁兵米價一欸係乾隆初年議裁鎮江高資二營額兵應支餉米當時不歸南糧統派兵米者適因各標營兵丁紅白賞恤所動發商生息停止議將此項米石按年于南糧內撥存變價解司湊支賞恤之用乾隆四十七年奉文將賞恤在于司庫地丁欸內動給裁兵米價改抵支放各營差兵盤費之用復奉部文從乾隆六十年起將差費銀兩動支司庫正項朋扣而裁米令於每年四五月間青黃不接之時查照報部糙米時價變價解司入撥報部充餉

公田米價一欸係撫標營餘息置買田畝謂之公田按年由



營收租變價除完納條漕并抵支營中緝匪辦公之用外  
餘剩米價解司入撥報部充餉

餘剩賞恤差費巡費三款係各標并京口綠旗營按年按季  
赴司領回三項隨時支給年底截數查造報銷用剩之銀  
解司入撥報部充餉

鹽務積存一款係提標中左前後城守五營每年額銷定海  
鹽引四千三百引每引長出酒耗鹽觔

每引耗鹽奉部以  
七觔為度不許短

少隨引銷賣錢文應照報部錢價易銀積存營中除按年  
借給該標十二營兵丁度歲銀兩外餘存積有四千兩即  
應解司入撥報部充餉

內給贖贖一款係各屬命盜各犯追出贖銀及軍流徒人犯  
贖罪銀兩均應解司入撥報部充餉

截漕糶價緩漕糶價二款或遇北倉儲米太多恐有積久霉  
變之虞行令截留漕船糶變或因上年荒歉下年正漕起  
運其帶徵緩漕奏請留糶以濟民食此二項糶價均應解  
司入撥報部充餉

借給口糧一款遇災之年賑恤之後災民仍形艱食者請借  
口糧一月或兩月以資接濟由司詳請奏借動項放給散  
發仍于下年秋成後起徵收解司如應歸借款者歸還原  
動之款如未借款即應入撥報部充餉



灾兵借餉一款係遇灾之年坐落及毗連灾地營分兵丁度日維艱例准奏借一季餉銀接濟照依原奏聲請扣限分季於兵餉銀內扣收隨時入撥報部充餉

海關正額一款係上海關每年收納商船貨稅解司入報撥

部充餉

此項關稅年額解銀二萬一千四百餘兩該關向分上下半年兩起解司

酌留添儲一款蘇省惟藩庫鎮江府庫崇明縣庫三處有此儲備以抵地方遇有大灾撫恤及不測要需之用未便擅行借動所有蘇藩庫常儲銀四十八萬兩鎮江府庫儲銀二萬兩崇明縣庫儲銀四萬兩

捐監正餉一款從前因各省司庫封儲短缺議奏開捐監生

餉銀歸補蘇省自嘉慶五年起捐每名繳納正銀一百兩隨堂給發實收然後飭屬查取該監生之隣里親族清白甘結由縣加結送司一面將逐月收捐監生造冊詳咨戶部國子監二處照冊填發部監二照司中查明清白結已到者即將部監二照發縣轉令該生將實收倒換如無清白結者將照存司俟送到再發迨後封儲歸足監餉捐有積存五萬兩同甯庫捐存監餉湊成十萬委員解部道光元年奉文停捐不及一年仍復議開道光七年奉加正餉每名銀二十兩積至五萬各由藩庫專員解京毋庸會甯湊解



再地方凡遇大工或戰船改造或防禦軍需所用銀款除例准請銷造報外其不敷銀兩奏請議于通省正印大小各官養廉內分年捐補之項均應解司入撥報部充餉

### 正項編款

舉人會試盤纏一款係各州廳縣每年于俸工項下編徵分解之項抵支文武舉人會試進京路費之用蘇屬歲額解司銀八百五十三兩六錢二厘解積三年輪值會試之期應將奉到禮部知照江蘇省文武舉人入場及臨場迴避名數即以甯蘇二屬三年一屆編款共銀驗出每名應給盤纏若干除留備蘇屬支給外餘銀撥補江甯不敷之用

### 節省零尾入撥報部充餉

歲貢坊儀一款係各州縣每年于俸工項下編徵分解之項歲共解司銀七百五十五兩五錢五分三厘內除常鎮太三屬銀四百三十二兩六錢四分九厘由屬按年徑解甯庫撥抵不敷坊儀之用蘇松二屬銀三百二十二兩九錢四厘抵支本款領給如甯屬仍有不敷尾數者再于編款內撥足六年為一屆由學院將六年之中應行出貢若干名抄冊發司即以甯蘇二屬共有編款若干驗該每名應給銀數飭屬知照取同貢單送司驗發給領如有節省零尾入撥報部充餉



蠲缺不補

武場供應一欸係各州縣每年于俸工項下編徵分解之欸  
歲額解司銀一百一十二兩八錢五厘彙解甯庫抵支武  
聞提調各執事人員及各役薪水工食之用

各營船械一欸係蘇太二屬州縣每年于俸工項下編徵分  
解之項歲額解司銀二千七百四十三兩五錢九分六厘  
抵放修造內河巡船部價及修理外海戰船器械工料之  
用

蠲缺不補

鄉飲酒席一欸係各州縣每年于俸工項下編徵之欸歲額  
徵銀二百四十八兩一錢五分九厘向來留屬備支選舉  
鄉飲耆賓酒禮之用後因廢不舉行按數解司入撥報部

充餉

蠲缺不補

節省俸工一欸又名俸工閑欸係各州縣每年于俸工項下  
編徵留屬抵支上司官吏工食上司按臨行香州縣祈晴  
禱雨及拜牌等項之用後因皆不支用併歸節省按年解  
司入撥報部充餉計歲共解銀九百一十四兩九錢零閏  
月加編解銀五十四兩零



耗羨款

地丁損腳屯折蘆課襍稅學租等六款耗羨係各州縣并學  
及衛幫每年隨正徵收解司

漕項鹽課二款耗羨漕耗係各州縣廳隨正解道由兩糧道  
于漕項奏銷後彙解司庫鹽課耗係松屬各廳縣并太倉  
之崇明縣隨正徵收內三分解浙鹽運司二分解藩庫

海揚二關盈餘協撥耗羨一款係該二關每年收納商稅正  
額盈餘銀兩撥解藩庫協濟耗羨不敷支放之用故名盈  
餘撥協耗羨海關歲額解司銀二萬五千八百兩揚關歲  
額解司銀三萬八千七百兩

海關松太道兼管  
揚關常鎮道兼管



溧陽縣南豆折耗婁縣塹稅耗二款係該二縣每年徵解司

庫

各事案耗羨凡各屬領修各項工程應動耗羨支給報銷工價奉部核減應行按數追繳解司收入原動耗羨或開挑河道或修築江海塘工堤壩工程奏咨動借司庫耗羨給辦議于各該處田地項下攤徵解司還款者解到時隨收原動耗羨因無定名故謂之事案耗也

以上解司各項耗羨銀兩抵放文職自院司道至佐貳首領武職自提督至守備及各衛幫押運千總并回空停運閑運幫弁各官額支養廉又有定廩工項下額解之吏刑

二部司務廳內閣飯食戶部戶科紙張及撫署書吏月支廩糧紙張奏書添給不敷冊吏印本吏招清繕各書工食撫轅贊禮生薪水承差本箱工價皂隸健夜外班各役火把燈夫工食賣冊路費閱操公費藩司戶書造奏紙張朋糧奏銷紙張藩轅軍夜各役工食臬司書吏紙張織造皂隸工食撫提二標塘兵工食蘇督糧松經厯二廳巡役工食提中營演炮船工腳費又昭文縣白茆港新陽縣青洋港青浦縣泗江栢城四處渡船水手工食又輪年應給江甯鎮江二府桅杉二木簾纜水手口糧又應給無定公費項下之奉辦顏料布疋二項協貼價脚布疋顏料二項部



飯挑河工價戰船協貼修理壇廟教場一切工程司府州廳縣監犯鹽菜秋審公費修造營船砲架昭文縣渡船燈油等項之用

減半平餘一欸係嘉慶初年奉文凡解各項餉銀均于耗羨欸內提收平餘專欸存儲以備地方遇有荒歉賑恤及裨益民生之用嗣于嘉慶十三年奉部行令祇于撥解京餉銀內每萬兩應于耗羨欸內提出平餘銀一百二十五兩

存公欸從前原係在外充公之開數迨至雍正年間清出歸公留外抵支常年公用故名存公是以部中仍稱存公開欸也內分四欸

鹽規一欸係從前鹽商鹽公堂鹽鋪每年分送各衙門之陋規也迨後奏歸公用蘇省歲額解銀一萬六千二百四十兩零係由兩淮運司蘇常二巡道蘇常鎮太四府州蘇總捕常督糧鎮糧捕三廳并各屬按年解司內松屬各廳縣因有提標各營歲銷定海鹽引由營經管是無鹽規解司又靖江崇明二縣亦無鹽規批解其餘長洲等二十縣均有鹽規解司抵放常年有定廩工項下之兵部兵科飯食撫書不敷廩工奏銷屯衛紙張民穀數紙張招清繕書工食本行二料奏清各書工食批冊吏工食行房清書工食兵奏冊費



秋審公費撫轅承差路費管班報門吏巡役稟事吏等項  
工食贊禮生薪水蘇藩司書吏兵朋賞恤奏銷冊費屯衛  
紙張兵房額支戶房造奏兵糧造冊支科造奏等項紙張  
臬司續添禁卒工食龍神廟道士香火都城隍廟香火行  
宮香火守役工食蘇提塘書役紙工各屬救生船工食救  
生船工料蘇城隆冬煮賑又無定公費項下之院司書辦  
造藩庫交代紙張撫轅承差賚奏江淮地丁路費寶蘇局  
鼓鑄員役薪水紙張工食吹手工食挑撈徒陽運河工料  
并修理壇廟工程等項之用  
至各營採辦硝磺價腳文武  
借修衙署借動鹽規者均應  
按限扣繳  
原借之款

匣費一欸或說從前運銷各省引鹽係用木匣裝儲迨後改  
用草包捆索節省木匣之費或言從前鹽曹衙門裝辦貢  
物木匣裁革歸公節省之費故名匣費未識孰是每年由  
兩淮運司額解藩庫銀五萬兩各半分解甯蘇兩庫抵放  
武職千把外委各弁養廉及修理武職衙署常平倉廩工  
程等項之用

文武節省養廉二欸

係各官空缺及署員半支餘剩并不准  
支食之節省廉銀均應扣存完解司庫

文職節省抵放匣費不敷支給各營千把外委養廉并長  
元吳三縣領吹手工食司庫交代卒工等用其武職節省  
抵放各營試用候補人員委署有原官缺撥給半廉及院



司書辦理軍裝紙張等項之用

市平一欸係營屬領辦各項工程銀兩例應每兩扣收市平銀二分惟海塘工料每兩扣銀八分內除六分收入附儲支用外其餘二分應收存公又海關亦有餘平解司收入存公市平備支湊放鹽規匣費文武節省養廉等欸不敷之用

附儲編欸亦于各屬俸工項下每年編徵分解之欸其分收正項附儲者蓋緣舉人監生歲貢坊儀二欸均應驗派詳咨武場船械二欸又應詳咨報銷鄉飲節省俸工二欸因無動用報撥充餉悉關咨部之欸故收正項其收附儲各欸皆係在外待放之項既無餘剩又不報銷故收附儲便於出納也

撫轅役食一欸係長洲武進無錫江陰荆溪丹陽金壇寶山縣每年于俸工項下編徵解司銀二百二十八兩遇閏增徵加銀一十九兩又于太鎮二州縣城濠租內每年徵解司銀四十一兩五錢抵支撫轅門子轎傘皂隸鋪兵舍人各役工食之用

織造役食一欸係奉賢金山二縣每年于俸工項下編徵分解奉賢額編銀九十六兩遇閏增徵銀八兩金山額編銀



五十八兩八錢遇閏增徵銀四兩九錢抵放織造衙門各役工食之用

許關役食一款係常熟新陽寶山三縣每年于俸工項下編徵分解常熟額編銀一百兩八錢遇閏增徵銀八兩四錢新陽額編銀六十四兩八錢遇閏增徵銀五兩四錢寶山額編銀三十三兩六錢遇閏增徵銀二兩八錢抵放許關衙門門子皂役舖兵巡攔轎傘扇夫各役工食之用

歲底新書一款係五府州屬每年于俸工項下編徵分解共額編銀七百六十五兩四錢五分三厘內蘇松太三屬銀五百四十三兩二錢六分一厘解收蘇藩司庫常鎮二屬

銀二百二十二兩一錢九分二厘徑解江甯藩庫均以抵支各首領官領刊禮部頒行欽天監時憲書工價之用

協濟文場一款全書內載一名江甯科場一名  
席舍供應即是協濟文場也係五府州屬

每年于俸工項下編徵銀二百五十兩九分七厘又蘇太二屬俸工項下每年編徵江甯場屋銀五十五兩五錢七分九厘按年解司存俟鄉試之年彙解江甯藩庫抵支修理貢院及闈中經費之用

茅山焚修一款係鎮屬之金壇縣每年于俸工項下編徵解司銀二百九兩六錢四分七厘抵放句容縣領給茅山崇禋宮道士每年香火之用



雍正八年尹撫憲奏准抵支  
給廉賑實餘剩銀兩留陞司  
奏准抵支修學之用

鹽大使俸一欸係松太二屬每年于俸工項下編徵解司銀  
三百二兩九錢八分六厘遇閏增徵銀六兩九錢六分二  
厘抵放各場鹽大使俸及皂役工食之用

膳錄生員對讀銀兩一欸係常屬之八縣鎮屬之溧陽縣每  
年于俸工項下編徵銀三十一兩六錢三分六厘由各縣  
徑解江藩庫抵支鄉試膳錄生等工食之用

### 附儲雜欸

學租正銀一欸係各州縣學之學田歲收租籽變價解司係  
按年奏銷正欸不入正項而收附儲者蓋緣本欸本用歲  
無餘剩之故蘇省惟丹徒溧陽上海南匯川沙五處由廳

縣徵收解司其餘概由學官徵解抵放學院衙門給廉賑

貧年額解支銀二十八兩并各學請修學宮之用學院俟三年期滿以學校等事咨部

核銷每廉生應給膏火銀一兩七錢按試時給發

關規生息一欸此欸來歷未詳是否從前關送之陋規亦于雍正年間清出歸公發交鹽商生息之項

係兩淮運司每年解司銀四千八百兩抵放學院衙門支  
給書役廉工文廟不敷祭品文待詔祭祀并紫陽書院師  
生膏火修儀經費之用

塘兵工食一欸係許揚二關于罰鈔項下每年額解司銀二  
百十七兩五錢內許關銀一百十五兩揚關銀一百二兩  
五錢歲以抵放撫轅巡捕廉工銀二百兩餘銀一十七兩



五錢放給藩署兵房典吏紙張之用

朱樂園祭祀一款係長洲縣收繳典息按年解司抵放該祠祭祀修理之用

差案行頭變解生息一款係吳縣收繳典息按年解司抵放孟子祠祭祀修理之用

正誼書院膏火一款係長元昭三縣每年徵收田租常熟崇明二縣徵收沙租又長元吳華婁五縣收繳典息解司抵放該書院師生膏火修儀經費之用

抄案各款係叅追各州廳縣虧空抄估寓所資財什物變價及繳出之項應由司查明虧短之款提收劃抵或奉抄原

籍家產什物由屬追繳變價解司除正項就近報撥外若係外款應行解還原省抵歸者該收附儲遇便解還

咨追各款或外省文武各官陞調蘇省有欠交彼省任內之款者或有多支此省之款者或係應賠應攤未交者或係蘇省出仕外省人員告病病故終養丁憂革職勒休回籍有欠交任所外款或欠交應攤應賠外省之項者奉准他省咨追轉追解司銀兩除報部內銷之項收入正款報撥外凡須解還原省歸款者均收附儲遇便解還或以彼省追存蘇省之項劃抵

盜船變價一款係各屬緝獲盜犯所有盜船應由獲盜地方



官變價解司撥用或經咨明部案者即應提正入撥報部  
充餉

佐雜官俸一款係各屬縣丞主簿典史巡檢佐貳等官編俸  
原應在縣徑支或因佐貳罰俸之案不少而編俸未便支  
給由縣按數解司查明罰俸銀數多寡分別提正報撥充  
餉找給

資助路費一款係各標營參將以下各官及衛守備押運幫  
弁按年應支養廉內捐解之款抵支武職官員病故回籍  
路費之用邇來祇據衛幫各弁照常捐解其餘各營參遊  
都守千總等員皆不扣捐

每廉兩扣銀五分給發陸  
路每千里給路費銀二十兩  
扶輿銀十六兩家口不論水  
陸以日行五十里為準每百  
大呂銀五分小口減半

市平一款係各屬修築海塘工料每兩例扣平市銀八分內  
除二分收入存公支銷造報外餘存六分應收附儲抵放  
辦公員役薪水工食及各衙門承辦紙張辛工之用

緝匪口糧一款係過海洋不靖應須派委官兵出洋巡緝日  
需兵丁口糧無項可動議由院司以下各官攤捐歸補  
兵差盤費一款係遇外省匪徒滋事奉差大臣帶兵勦捕經  
過有驛地方支應不敷銀兩無可請銷議由院司以下各  
官攤捐歸補

詔使程儀路費一款係逢國典之年奉差京員賁詔到省應  
送程儀路費銀兩派屬捐解抵支

道光元年由內署發函  
捐送不用公牘不解司



庫

賣印路費一欸係換印之官捐解司庫抵給撫中軍轉給提

塘賣回印信路費之用

鈐記工價一欸係各屬佐貳及武弁請頒換給鈐記所繳工

價抵給藩署禮書刊費之用

武闈不敷一欸係遇鄉闈之年經費不敷銀兩應飭屬捐解

移甯抵用

試院考棚一欸係修理崑新試院考棚所需工料銀兩應飭

考試之蘇太二屬捐解撥給抵用

辦硝不敷一欸係遇徐屬產硝不敷委員赴東楚二省採辦

者所需不敷價腳銀兩應行飭屬捐解抵用

改造船工一欸係奉議改造外海戰船不敷工料應行飭屬

捐辦抵用

金磚柴價一欸係奉辦金磚之年不敷工料亦應飭屬捐解

抵用

捐款生息一欸前于道光元年奉旨刪減捐款奏請動支司

庫減半平餘五萬兩鹽規二萬七千兩存公市平一萬三

千兩武職節省養廉一萬兩共銀一十萬兩飭屬散發典

商一分生息無閏之年應解息銀一萬二千兩遇閏解息

銀一萬三千兩除補刪減運河協貼木植協貼辦銅幫費



三款銀九千四百一十二兩零又撥放分忙贍罰糧價降  
罰辦漕保甲盜竊功過七款督撫司書辛工銀一千三百  
五十三兩零餘剩係充公用

旗營生息一款係道光二年由都統籌銀五千兩議發長元

吳三縣典商歲繳息銀五百兩解司按季解交京口副都

統抵支八旗舉人會試盤纏之用

遇閏不增

海揚二營生息一款係嘉慶二十一年由江藩司籌款議發

蘇屬九縣典商歲繳息銀一千二百兩閏月加息銀一百

兩解司彙解江甯藩庫歸還墊辦添設該二營製造營署

房屋軍裝工料原款今墊款歸清由甯報撥充餉

局錢生息一款係道光二年由寶蘇局議發各屬典商錢文

應繳息錢由縣催取徑解局中抵支鼓鑄經費不敷之用

領劄飯食添平一款係武職各官奉部掣補或由外題陞調

補均由兵部給劄接到劄付每員應捐劄飯銀一兩添平

水腳銀三分五厘解司搭解交部

全書工價一款係遇重纂賦役全書年分飭屬捐解司庫抵

放理問廳刊刻全書工價之用

全書辛工一款係遇修造全書之年飭屬捐解司庫抵給院

司書辦造覆核辛工紙張之用

抄卷辛工一款係遇內部外省各衙門失慎咨行查抄案卷



道光十一年正月改爲銀一兩  
三分冊費銀三兩錢四分銀正  
四分千餘銀四兩四錢七分  
部照費銀五錢按正銀冊費  
爲一數四照費三項併  
乘標元

三次清查限補原卷過史減  
免嗣奉部議通境被災蠲緩

之州縣方准展緩一年其非  
全境災歉仍按數提等語  
至展提一年係將是年限補  
全數免提過下年並非應  
行帶征批解之款

所需薪水紙工銀兩飭屬捐解抵支

徑批紙價一欸係丞倅州廳縣每年捐解抵支司書頒發徑

批紙價之用

捐監飯食一欸係捐監之人除繳正餉銀一百二十兩部照

費銀五錢外隨納冊費飯食銀三兩六錢平餘銀四兩九

錢六分四厘以抵解給部飯及督撫司書紙飯并藩轅各

役工食捐呈工價等項之用

庫吏飯食一欸係各屬起解地丁錢糧隨解飯食以抵庫書

紙張飯食辛工之用

三次清查官欠追賠限補等欸名目不一不過暫收附儲一

俟奏報皆須分別提還清查原缺各本欸故不詳載也且  
無常之欸時有時減者亦復不少今就見過欸項略記備

查耳

附儲養廉捐欸

係于道光元年奉查刪減捐欸案  
內議詳奏明常年應捐二十欸

差員盤費一欸通屬三十三州縣歲額捐銀一千六百八十

兩此外丞倅佐貳首領各官亦有額捐銀兩解司抵支奉

撥京協各餉新疆陝甘緞疋及提解護送差使委員長途

盤費并解部飯添平等項之用

膳黃示價并牌夫工食一欸係通屬三十三州縣歲捐銀一

千兩解司抵支刊刷恩詔膳黃并一切告示工價之用



撫轅巡捕薪水一欸係通屬三十三州縣歲捐銀一百二十兩解司抵支撫轅巡捕官全年薪水之用

督轅承差工食一欸係江甯蘇州安徽江西四省公捐之項蘇省三十三州縣歲捐銀三百兩解司彙解江藩司抵給督院承差吹手工食及一切經費之用

督書紙張一欸係通屬三十三州縣歲額捐銀三百七十二兩九分三厘解司彙解督院書吏承辦各項奏銷紙張辛工之用

海口薪水一欸係通屬三十三州縣歲額捐銀七十二兩解司抵支吳淞劉河二海口委員盤查出入商漁船隻全年

### 薪水之用

微員路費一欸係府州縣按年捐解司庫抵支佐雜微員事故無力回籍核其道里遠近按數給發以資路費之用止

就州縣三十三處歲額捐銀四百一十三兩

試院夫工食一欸係通屬三十三州縣歲額捐銀四十兩解司抵支看守崑新試院考棚夫役工食之用

條例工價一欸係通屬三十三州縣歲額捐銀一百三十二兩解司抵支刊刻常年條例工價之用

三山西江救生船工食一欸係通屬三十三州縣歲額捐銀六十兩解司彙解甯庫抵給江屬救生船舵工水手工食

每十里給銀十兩如扶觀回籍者外加扶觀銀八兩



之用

預捐文闡經費一欸係藩司道府州縣按年捐解司庫俟正  
科鄉場之年彙解提調江藩司抵支例銷不敷一切經費  
之用止就州縣三十三處歲額捐銀一千二百五十九兩  
六錢一分

營礦盤費一欸通屬三十二縣歲額捐銀五百一十二兩此  
外佐貳各官亦有額捐銀兩解司抵支委員赴晉省陽曲  
縣等處採買蘇省各標營配藥硫磺長途往返盤費水脚  
不敷之用

甯省審案公費一欸係通屬三十三州縣歲額捐銀一百八

十八兩七錢六分解司抵解江甯藩庫致送核辦提省審  
擬案件幕友修儀經費之用

魏祠香火一欸係蘇屬九縣歲額捐銀一十八兩解司抵支  
宋魏文靖公了翁先生祠內香火修費之用

報資工墨一欸係府州廳縣按年捐解司庫抵支京省蘇三  
提塘官繕送文報工墨之用止就三十三州縣額捐銀二  
千四百七兩五分七厘又蘇松常鎮四府額捐銀五百九  
兩四錢四分三厘

外海戰船損具一欸通屬三十三州縣原額歲捐銀一千八  
百四兩六分道光元年起刪減六成銀一千八十二兩四

額給京塘銀千七百三十六兩五錢

省塘銀四百八十八兩  
蘇塘銀六百九十五兩  
以上年額共銀二千九百一十六兩五錢



錢三分六厘實捐四成銀七百二十一兩六錢二分四厘  
解司抵支蘇松太道并南寶崇三縣承辦外海戰哨船隻  
應配損具什物工價之用

船工協貼一欸通屬三十三州縣歲額捐銀二千六百二十  
五兩六錢八分五厘道光元年起刪減五成銀一千三百  
一十二兩八錢四分二厘實捐五成銀一千三百一十二  
兩八錢四分三厘解司抵支各營屬承辦內河外海快哨  
船隻貼補部價之外不敷工料之用

運河協貼一欸通屬除元和吳江華亭武進無錫丹徒丹陽  
金壇溧陽寶山崇明十一縣不捐外其餘二十二州縣原

額歲捐銀一萬八千兩道光三年起奏減四成銀七千二  
百兩以生息抵補實捐六成銀一萬八百兩解司抵支徒  
陽運河大小挑撈淤沙工價不敷之用

木植協貼一欸通屬三十三州縣值辦之年原額捐銀五千  
七百二十八兩二錢七分三厘又續增捐銀四千兩道光  
元年刪減銀二千兩該捐銀七千七百二十八兩零道光  
三年奏減四成銀三千九十一兩三錢八厘以生息抵補  
實捐六成銀四千六百三十六兩九錢六分五厘解司抵  
支委員赴江廣產木地方採辦長途往返路費及例價不  
敷之用此項歲辦解京木植向係甯蘇兩屬遞年輪辦派



捐協貼亦隔年一解迨後從道光三年飭屬每年捐解一半

辦銅幫費一欸通屬除元和吳江武進無錫丹徒丹陽六處沿塘有驛縣分免捐外其餘二十七州縣原額歲捐銀一千六百六十六兩六錢六分八厘道光三年起奏減四成銀六百六十六兩六錢六分八厘以生息抵補實捐六成銀一千兩解司抵支委員赴滇採辦寶蘇局鼓鑄卯錢所需滇銅長途盤費及例給水腳不敷之用此項銅勛歷三年一辦甯蘇兩省遞相輪委赴採以常年所捐為三年一運之需

撫標塘兵工食道光八年秋季起

以上二十欸奏派通屬三十三州縣歲額捐解司庫銀二萬七千四十五兩零此外尚有院司五府州歲捐僧生飯食銀兩抵給該生薪水之用又通屬三十五州廳縣歲有額捐臬書飯食造冊辛工及號吏飯食共銀二千餘兩又增給撫標塘兵工食八百五十一兩四錢五分六厘至糧巡各道府州衙門有無捐欸無從查註

附儲充公閑欸 解收到庫歲以抵給督撫藩臬各衙門書吏承辦公牘冊檔所需飯食薪水紙張筆墨辛工之用

南糧費脚一欸係各屬徵完南糧每石例收費脚錢五十二文八折易銀六分五厘 即民間所謂倒水脚之費也 除徑支各營兵米

查派撥同城兵糧何無水脚開銷撥別處營分每石陸路每里給銀五毫水路每里給銀八絲



水脚外餘銀應行按數解司撥充公用

恤米費脚一欸係各屬徵完恤孤米石例收六分五厘之費

脚在縣例無支動應行按數解司撥充公用

改本月糧費脚一欸係各屬徵完改本米石每石六分五厘之費脚應分解司道衙門撥充公用

江蘇二糧道行月脚錢一欸係各屬徵完行月米石每石例

收脚錢五文應行按數易銀解司撥充公用

恤孤建米變價一欸係各屬扣存一歲小建恤孤米石應行

查照報部糙米時價易銀解司撥充公用

大丈草利一欸係崇明縣于大丈之年勘漲沙灘未入丈案

闖撥里排以前樵收蘆草應估變解司撥充公用其海洪突漲之沙未經承買咨部定案以前亦應將草估變解司充公

公田過投一欸係崇明縣于大丈案內詳請摘撥各項公田

例于承種佃戶名下每十步追繳七折六底串錢四兩易

銀解司撥充公用

表箋正耗一欸係太鎮二州縣每年編徵解司從前原以抵

辦萬壽賀表千秋賀箋工價之用嗣奉裁革故作充公

運河市平一欸係各屬捐解協貼放給工用每兩扣收市平

四分銀兩撥充公用



開款市平一欸係司庫凡放外銷一切工程及例書各價扣收市平二分撥充公用

外結贖贖一欸係各屬犯事之人繳贖贖罪銀兩案非內結之件應行解司撥充公用

補徵蘆課及補徵陞科銀米二欸係各屬報陞田地蘆灘未經詳咨入額以前應徵課銀并陞科銀米均應變易解司撥充公用

抄案添平一欸係奉查抄官員家產變價解司隨解添平銀兩除抵支解京委員路費之外餘剩撥充公用

兵餉平餘一欸係太屬各州縣每年徵收地丁項下派撥徑

支蘇鎮標各營兵餉所剩平餘銀兩應行按數撥抵承辦該標兵餉院司書辛工之用

茶引箱損一欸係甯省移蘇奉部頒發茶引蘇省轉發吳縣并荆溪張渚司巡檢二處行銷吳縣每年額銷四百道張渚司巡檢每年所銷不過十餘道每道應解箱損銀八厘解存蘇庫彙解甯庫其行剩之引移還塗銷



吏戶例要

催徵地丁錢糧初叅復叅

一地丁錢糧經徵州縣官欠不及一分者停其陞轉罰俸一年欠一分者降職一級欠二分者降職二級欠三分者降職三級欠四分者降職四級俱令戴罪徵收欠五分以上者革職直隸州經徵錢糧亦照此例處分

一司道府州經催所屬錢糧欠不及一分者停其陞轉罰俸半年欠一分者罰俸一年欠二分者降職一級欠三分者降職二級欠四分者降職三級欠五分者降職四級俱令戴罪督催欠六分以上者革職



一巡撫督催所屬錢糧欠不及一分者停其陞轉罰俸三個月欠一分者罰俸一年欠二分者降俸二級欠三分者降職一級欠四分者降職二級欠五分者降職三級欠六分者降職四級俱令戴罪督催欠七分以上者革職

一地丁錢糧州縣官被叅後限一年司道府州限一年半巡撫限二年其年限內不完不復作分數照原叅分數處分直隸州叅後未完照州縣官處分

一州縣官原欠不及一分年限內不全完者降一級留任再限一年催徵如又不能完照依所降一級調用原欠一分年限內不全完者降三級調用如果能催完至八九厘者

降三級留任再限一年催徵如仍不全完者降三級調用原欠二分年限內不全完者降四級調用原欠三分年限內不全完者降五級調用原欠四分以上年限內不全完者革職直隸州亦照此例處分

一巡撫司道府州督催所屬錢糧原欠不及一分者限內不全完降一級戴罪督催再限內不全完降二級戴罪督催三限內仍不全完者降三級調用原欠一分至四分以上限內不全完者俱照州縣例處分衛所官員原欠不及一分錢糧再限內不全完者降一級戴罪催徵三限內仍不全完者降一級調用如有接徵接催官員俱以到任之日



為始接徽州縣衛所官員限一年接催司道府州限年半  
接催巡撫限二年催完如不能完題奏之日照現在未完  
分數以初叅例處分至于巡撫等官被叅催徵錢糧時年  
限已滿逾期該撫不將自欠原叅分數并布政等官分數  
查叅者察出照原叅分數加等議處以上限滿未完錢糧  
大小各官初叅所欠分數係

赦前一半

赦後一半如年限內將

赦前所欠分數已經全完止照

赦後未完分數處分如年限內將

赦前所欠分數未經全完仍合

赦前

赦後照初叅原欠分數一併處分如初叅分數俱在

赦前年限內未經全完仍照初叅分數以初叅例處分如限滿

未完錢糧各官限內又經遇

赦者扣除

赦前月日止以

赦後計算年限滿日查明題叅照例處分如督撫疏內未經分

晰

赦前



赦後者照該督撫所開分數議處

催徵漕糧并隨漕輕賚等項錢糧初叅復叅

一隨漕輕賚等項錢糧

漕白二糧未完各官初叅考成亦照此例

州縣衛所直隸

州知府糧道各官未完分數俱照地丁錢糧例議處布政使無催漕之責免其叅處

一巡撫欠一二分者罰俸三個月欠三分者罰俸六個月欠四分者罰俸一年欠五分者降俸一級欠六分者降俸二級欠七分者降職一級欠八分者降職二級俱令戴罪督催

一被叅後

漕白二糧未完各官二叅暨接徵接催官考成俱照此例

州縣衛官限一年糧

道知府直隸州限一年半巡撫限二年其年限內不完者不復作分數照原叅分數處分如州縣官原欠分數年限內不全完者照州縣官地丁錢糧限滿例議處

一巡撫糧道知府直隸州等官原欠不及一分限內不全完者俱照地丁錢糧限滿例議處原欠一分以上至四分以上限內不全完者俱照州縣限滿例議處至接徵接催之官以到任之日為始接徵州縣等官亦限一年接催糧道知府直隸州等官限一年半接催巡撫限二年催完如不能完題叅之日照現在未完分數以初叅例處分

一地丁并漕白等項錢糧署官催徵督催處分俱照正印官



例議處署印不及一月者免議

一白糧改折銀兩限文到六個月內全完如有不完者督催巡撫布政使糧道府州縣等官俱照地丁錢糧考成例議處將未完錢糧再限六個月完結如限內又有不完者亦照地丁錢糧限滿例議處

民折官辦漕糧

一江蘇海州贛榆清河桃源宿遷沐陽阜甯等七州縣漕糧民折官辦各州縣所借司庫銀兩即行徵收其折漕價值統按每石二兩之數隨漕徵辦于奏銷前解司歸款如有催徵不力即照漕糧未完分數之例分別叅處倘承辦官

徵收採買稍有侵漁浮冒以及產米地方官扶同捏報等弊嚴叅治罪

催徵徐淮等倉錢糧初叅復叅

一徐淮等倉錢糧經徽州縣官欠不及一分者停陞督催欠一分者罰俸六個月欠二分者罰俸一年欠三分者降俸一級欠四分者降俸二級欠五分者降職一級欠六分者降職二級欠七分者降職三級欠八分者降職四級俱令戴罪徵收停其陞轉完日開復欠九分十分者俱革職布政司糧道知府直隸州欠不及一分者停陞督催欠一分者罰俸三個月欠二分者罰俸六個月欠三分者罰俸



一年欠四分者降俸一級欠五分者降俸二級欠六分者降職一級欠七分者降職二級欠八分者降職三級欠九分者降職四級俱令戴罪督催停其陞轉完日開復欠十分者革職

一巡撫欠不及一分者停陞督催欠一二分者罰俸三個月欠三分者罰俸六個月欠四分者罰俸一年欠五分者降俸一級欠六分者降俸二級欠七分者降職一級欠八分以上者降職二級俱令戴罪督催停其陞轉完日開復

一署印官欠一二分者罰俸三個月欠三四分者罰俸六個月欠五六分者罰俸九個月欠七八分者罰俸一年欠九

十分者降一級調用欠不及一分者署印不及一月者免議其運官拖欠發南追北之漕糧河道驛站錢糧俱照此例議處

一被叅後州縣官限一年內全完限滿仍不全完題叅時其原欠不及一分者罰俸一年原欠一二分者降三級調用原欠三四分者降四級調用原欠五六分者降五級調用原欠之八分者革職

一布政使糧道知府直隸州限年半全完如限內仍不全完其原欠不及一分者罰俸一年原欠一二分者降三級調用原欠三四分者降四級調用原欠五六分者降五級調

一地方錢糧被叅後州縣限年征完布政司經管錢糧知府直隸州限一年半巡撫限二年催徵限內不全完不復作分數照原叅分數處分如有接接權官員以到任之日為始扣足年以初叅例處分嘉慶十八年奉行新例從該年奏銷其題之日起再限三個月作為叅起限日期道元年間部行從奏銷限滿後再限三個月起限不計其題日期至乾隆三十四年內奉准吏部議覆各屬錢糧年限者成每屆封印停徵之際例不惟比殊難加以



督催考成之員似應原仍照  
原例扣限辦理等因通行遵  
照江蘇不計開辦造  
一各屬奏銷案內未完錢糧如  
于三限內續解全完應將  
原奏處分由藩司核明除奉  
議各官已經調任者毋庸核  
議開復外其餘各官詳請其  
題開復道憲年部行在官屬  
奏銷案內未完熟田錢糧如  
二各限內復完遞緩原奏之  
員照降增獲犯例減等議  
處

用原欠七分以上者革職

一巡撫限二年內全完如二年限滿仍不全完其原欠不及  
一分者罰俸一年原欠一二分者降二級調用原欠三四  
分者降三級調用原欠五六分者降四級調用原欠七八  
分者降五級調用原欠九十分者革職其接徵接催官員  
俱以到任之日為始接徵州縣官亦限一年接催布政使  
糧道知府直隸州限年半接催巡撫限二年催完如不能  
完題叅之日照現在未完分數以初叅例處分至帶徵積  
年拖欠錢糧之大小各官不便與經徵官一體應限二年  
內全完如二年內不全完俱以定例照職任處分

催徵蘆課錢糧

一蘆課錢糧未完大小各官或初叅或限滿題叅者俱照徐  
淮等倉錢糧例處分

起解稅耗遲延

一各州縣徵收田房稅羨銀兩隨收隨解如有延緩不解該  
督撫查叅將該州縣官罰俸一年督催不力之上司罰俸  
六個月

承追雜項錢糧

一承追不作十分之雜項錢糧未完初叅降俸二級戴罪督  
催完日開復如未全完按限叅處將原叅之承追官罰俸

雜項錢糧三泰為止道光四年  
戶部通行之案



一年仍令督催其上司俱免議

降罰銀兩未完亦照此例辦理

### 本身應完雜項錢糧

一現任官員本身應完奉追一切核減分賠著賠之雜項錢糧數在五百兩以下者准其藩庫應領養廉內坐扣完納其有養廉在屬坐支者于各本員在任之日責令該管府州催追清結如有初限完解遲延本員降俸二級戴罪完納該管府州降俸一級督催限滿不完按年叅處將本員罰俸一年仍令完納該管府州罰俸六個月仍令督催其各州縣因事離任接任官于交代案內查明並無未完核減各項出具印結送查如有不行詳查遽行出結者將接

任官照不行詳查結例罰俸一年

### 微員應追銀兩俸廉坐扣

一現任微員有應追未完銀兩查明委無產業不能依限完繳者將俸廉按年儘數坐扣完結如本係有力完繳徒借坐扣之名為延宕之計一經察出將本人及承追之員一併嚴叅議處

### 借欠常平倉糧

一各州縣春借常平倉糧與借給籽種口糧俱按年察核完欠數目如未完在一百石以上將經徵之員照雜項錢糧例議處如未完不及百石亦照例議處僅止數石令其賠

如報捐人員未完餘欠銀兩勒限完繳不准坐扣俸廉俟後款查追虧空條內有註



補免議

蘇松常鎮催徵錢糧

一蘇松常鎮四府屬經徵地丁漕項錢糧奏銷時完至九分  
以上者其接徵未完舊欠限滿降調之例改為降級留任  
再限一月催徵如仍不完照所降之級調用督催各官亦  
照此例

耗羨銀兩隨正報解

一州縣經徵耗羨銀兩務與地丁正項隨同報解若有未完  
照正項錢糧之例按其分數核叅議處

私加私派

一州縣等官私加火耗及私派加徵者革職拿問司道府隱  
匿不報亦革職拿問若申報督撫不行題叅者將督撫革  
職如各上司不知情者照不揭報劣員例議處官員劣蹟  
昭著該管  
各官不行揭報經督撫查叅者同城之知府降三級調用  
司道降二級調用如不同城之知府降一級留任司道罰  
俸一年其劣蹟未著同城之知府未及查報降一級留任  
司道罰俸一年不同城百里以外之知府罰俸九個月司道  
罰俸六個月如不同城百里以上司到任未及一月同城之  
司在二十日內者均免議如被旁人首告經司道府等官審出者其  
審出之司道府等官于未經首告之前不行查出之處免  
其議處

丁隨田辦



一州縣應徵丁銀勻入地畝分別銀米按畝攤徵倘不秉公均派以致偏枯者照私派例議處

謊稱民欠

一州縣官將已徵錢糧作為民欠或挪用謊稱民欠者革職拿問司道府朦隱不報革職如申報督撫不行題叅者督撫降五級調用失于覺察者照預先不行查出例司道府各降一級督撫罰俸一年

徵追各項錢糧減等處分

一凡承追各項未完後經分賠代賠及徵催正雜錢糧奉旨恩免例無徵追之責者該承追官原議之案悉照案犯被鄰

境拿獲之例按其叅限應得處分減等議處至奉

旨分年帶徵錢糧原叅降職降級仍令戴罪徵收各員按其原議處分減等議處仍以欽奉

恩旨之日為始另行起限催徵如年限內完解不足所分之數仍照例分別叅處

接徵接催復改分數

一凡有分數錢糧接徵接催官員俱將已完分數扣除照現在未完分數處分

寄庄銀兩令住居州縣代徵

一凡州縣衛有彼縣民人置買此縣地畝者名為寄庄令經



徽州縣於開徵時造冊移交住居之州縣代徵如至奏銷未完即將代徵之縣叅處

徵解給丁濟運漕糧

一江省有漕州縣每年應徵行月錢糧于十月內按六分之數完解道庫給丁濟運如解不足數罰俸六個月再限三個月完解六分之數如仍不完罰俸一年

江蘇本色米豆另冊題銷

一江蘇地丁項下額徵本色米豆按額作十分每年于十月初一日開徵起至次年三月底以六個月計算另冊題銷如有完解不全將經徵接徵各官按照未完分數議處初

叅州縣官欠一分以上罰俸六個月督催院司府罰俸三個月欠二分以上州縣官住俸院司府罰俸六個月欠三分以上州縣官降二級院司府住俸欠四分以上州縣官降三級院司府降二級欠五分以上州縣官革職院司府降三級欠六分以上州縣官革職院司府亦革職以上俱戴罪催徵督催完日開復叅後違限不完加倍議處如已罰俸三個月者罰俸六個月已罰俸六個月者住俸已住俸者降二級已降二級者降三級已降三級者革職戴罪催徵督催完日開復已革職戴罪者寔降二級調用至欠不及一分者州縣暨督催等官均毋庸議處其署印官照



一江蘇前任金匱縣調任崇明縣知縣徐家槐經征金匱錢糧道光四十六年地丁錢糧並帶征三年分災緩地丁錢糧均于各該年奏銷前及災緩限內官征解全完數在五萬兩以上其征完銀二十六萬九千三百四十四兩並三年分被水成災該令勸捐義賑得銀十萬餘兩未邀議獎由司拔照宣城朱錦琮三載全完奏准送部引見之案轉詳撫憲奏奉諭旨徐加提著加恩賞加嘉祿州知州銜仍照例不論俸滿陞以示鼓勵欽此等因

徐淮等倉錢糧例處分

江蘇賦繁州縣三載全完議敘

一蘇松常鎮四府及各屬寔係賦繁州縣錢糧一官經徵三年俱係年清年款于本省奏銷具題時全完者准其議敘即陞不得以叅後續完之案概行接算三年內有遇奉蠲年分即將是年扣除俟次年補足并計再請議敘

錢糧全完議敘

一州縣經徵一應起運本年有分數錢糧不及三百兩者毋庸議敘其三百兩以上不及一萬兩于奏銷前全完者紀錄一次一萬兩以上全完者紀錄二次三萬兩以上全完

者紀錄三次五萬兩以上全完者加一級十萬兩以上全完者加二級果能三載全完無論錢糧多寡于每年照例議敘之外再准加一級

如三年內有差委離任之員應扣除差委離任年分俟次年回任前後接算三年一官全

完再行送部議敘

督催道府州不及五萬兩全完者紀

錄一次五萬兩以上全完者紀錄二次十萬兩以上全完者紀錄三次二十萬兩以上全完者加一級督催布政使不及五十萬兩全完者紀錄一次五十萬兩以上全完者紀錄二次一百萬兩以上全完者加一級其監屯同知通判督催衛所屯糧全完照督催知府例議敘經歷經徵衛所屯糧全完照經徵州縣例議敘



一署印官一年內錢糧全完者照例議敘

帶徵節年錢糧全完議敘

一節年拖欠之錢糧州縣官帶徵二年內全完不及一萬兩者紀錄二次一萬兩以上者紀錄三次二萬兩以上者不論俸滿即陞其道府州帶徵全完不及二萬兩者紀錄一次二萬兩以上者紀錄二次四萬兩以上者紀錄三次六萬兩以上者不論俸滿即陞布政使帶徵全完十萬兩以上者紀錄一次二十萬兩以上者紀錄二次三十萬兩以上者不論俸滿即陞如帶徵全完者經徵錢糧不完不准議敘

錢糧捏報全完

一州縣未完之錢糧捏以全完轉報或二三官徵完之錢糧捏為一官徵完申報者州縣官革職司道府各降二級調用巡撫降一級調用如州縣官申報未完司道府作完申報者司道府革職州縣免議如司道府申報未完巡撫作完題報者巡撫革職司道府免議如錢糧並未起解申報起解庫內無銀申報有銀降二級調用巡撫罰俸一年

錢糧叅後全完開復

一地丁漕項鹽課等項錢糧未完題叅到部後續報全完如已經題覆奉



旨該省接准部文者該督撫將該員議處之案題請開復若未經題覆戶部即于本案奏銷內扣除免議若部議已經奉旨尚未行文者戶部即據咨題請開復

遲延開復

一錢糧叅後全完該經管衙門一面給與批收一面速報該督撫題請開復如已經申呈勒指不詳及遲延不報或不應開復申詳開復者俱罰俸一年巡撫罰俸六個月或已經開復重題開復及不列續完各官職名者俱罰俸六個月

錢糧全完開復

一拖欠在民錢糧降革官員未經離任之先能將拖欠錢糧全完者准其開復如該督撫將離任官員題請留任其員缺雖擬有人未經奉

旨者將原官准其留任如所補之人已經奉旨原官令其赴部另補

藩司交代

一直省布政使陞轉離任及因公

陞見者于奏謝之便將經手庫儲錢糧並無虧挪之處具摺附奏新任接收亦具摺奏

聞暫署與正任一例陳奏仍按例限交代呈詳請題



一布政使新舊交代自新任官到任日起統限兩個月交代清楚造具冊結呈詳督撫保題其統限兩個月舊任分限一個月凡署任在兩月以上者正署交代該督撫各疏保題若署任不及兩月者正署交代彙疏保題糧鹽道正署錢糧交代限一個月其督撫保題或各疏或彙疏照布政使例

一布政使陞任本省巡撫在任經手錢糧令總督確查具題如無總督省分該撫不便自行具題令接任布政司核明具題

### 臬司交代

一各省臬司委署藩篆其驛站錢糧統俟新任藩司到任後再行盤查出結申送督撫察核

### 道府交代

一經管錢糧之守巡各道並知府限一個月交代清楚由後任造具冊結該管上司加結咨部

### 州縣交代

一州縣交代正署均限兩個月不准扣除封印日期舊任官限二十日造冊移交新任官限四十日查核轉造其例限一個月交代者舊任官限十日造冊移交新任官限二十日查核轉造如例得展限者均照加展月日遞算分扣若



查因縣交代加展限期吏部則例內載錢糧五萬兩以上者展限三十萬兩以上者展限三百五十萬兩以上者展限五百日之額則例內載錢糧三字則易為庫項而蘇省歷來文卷則又以額徵數請展三者並參確乎以撫臣例尚在乾隆元年以前無可稽考惟乾隆三十五年尚書司馬奏請酌減交代限期內係指明在庫錢糧字樣是錢糧即庫項之謂第蘇省何以文照額征請展則又事違年湮無從追溯推原其故似因州縣錢糧例應隨征隨解斷無任聽存留至五十萬十萬兩之理是庫項本無可加展不得已而以額征為請此前人之權廢也道光九年據蘇府具詳司中批飭之案

一州縣交代例限兩個月如庫項在五萬兩以上者准展限  
半個月在十萬兩以上者准展限一個月在十五萬兩以  
上者准展限一個月十五日其倉穀在二萬五千石以上  
者准展限半個月在五萬石以上者准展限一個月  
如倉穀展限不准再將或一官而有兩任交代許展限一個月  
陞調官員卸任到任同時者方准扣展如不同時  
者不准展限併不准每任各展一月如正展限外或有  
遲延該管上司將遲延情由查明開叅如舊任官不予定  
限內造冊移送者罰俸一年新任官免議如舊任官遲至  
例限將屆始行造冊移送新任而新任官又不上緊查核



其督催常州府鄭其忠係于九年正月九日到任據常州府以鄭守職名開報有案查民欠加展一條戶部例則內僅云民欠錢糧而吏部則例內有節次字樣溯查乾隆二十四年常前司奏准通行原奏內亦指節年民欠而言今即年即積欠之謂並非當年之新欠可知而積欠以奏銷為斷則未歷奏銷之民欠不得與積欠並展亦可知是以蘇省民欠加展應將節年款于詳報限期文內聲敘

〔各屬交代無論正糧倉捐各項均責成接任之員依限盤收結報概不准剔出自解其署事之員展限兩月以上即應照例接收結報由江甯藩司于道光九年詳明通飭之案

離任者巡鹽御史運使等官俱照此例議處至各項錢糧冊籍未完謊稱完結或假捏印結申詳或增改文冊者革職如本官未經交代以前將冊籍等件被衙役燒燬擲水藏匿等情降一級調用至衙役乘機作弊侵匿銀兩者照失察衙役侵盜錢糧例

一江蘇州縣交代有民欠錢糧應行清查數在五萬兩以上者原限外准展限兩個月在五萬兩以下者准展限一個月清查結報

一官員交代如正限內不能完結者照例查叅再照原限兩個月一個月完結如逾限不結該督撫題叅照易結不結

例革職其遲延緣由該督撫即于疏內確切聲明如止以遲延題叅並不將遲延緣由敘入者將申詳之司道府等官照狗庇例降三級調用督撫照含糊具題例降一級留任

一州縣交代如限內未能交清令接任官逐款查明揭報將該員截留在省照例另行起限務令交代清楚方准赴任回籍如有通同私立議單希于限外通融彌補者一經發覺將監交出結之員一體治罪並著落賠補各該上司分別嚴議

一交代遲延該督撫查明遲在何任分晰咨叅並將督催不



力之上司隨案附揭聲請議處另行勒限交代凡二叅限期即于限滿初叅之日接算起扣不准以奉到部覆日起扣

一署員交代原署之員遇有陞遷降調丁憂等項事故准其改委以改委接署之日另行起限仍將改委起限緣由聲明咨部如原委之員正在交代限內並無應行離任事故輒行托故改委希圖展限者一經查出將改委之各上司照徇庇例降三級調用

一正任官交代如倉庫本無虧短而署任官故意延挨希圖卸責以致遲延者降二級調用該監盤上司徇隱不舉降

一級調用如寔有虧短而該管上司徇庇前任抑勒後任接受者許被勒之員直揭部科部科據揭代奏請

旨飭交嚴審審寔將抑勒交代之上司及虧空之本員從重治罪審虛將誣揭之員加等問擬

一署印者如有虧空錢糧者除本員照例治罪外仍著落遴委之督撫司道府州等官分賠議處或將虧空錢糧勒逼接任官收受者許接任官開列情由徑報部科部科據寔具奏當寔將逼勒屬員之上司照抑勒交盤定例議處

一官員接收交代已經揭出虧空者于題叅之日扣限交代續又查出虧空于出咨續揭日扣限交代如摘款先揭預



留三叅五叅地步輾轉延挨者將接任官題叅著賠

一官員交代如前任官有侵欺透支那移墊解拖欠未清等弊接任官徇隱不行揭報及交代後始行查出者該督撫題叅將虧空之員革職治罪接任官照例議處各項照例賠補如有侵那等弊接任官已經通詳而上司不行詳報題叅徇庇舊任逼勒新任接受者准新任官據定報部將逼勒之員照例議處

一州縣將已徵錢糧侵蝕虧空捏稱民欠令接任官接受者接任官即揭報題叅或該督撫護庇離任之員該管府州畏慮分賠因而抑勒交盤者許被勒之員直揭部科代為

陳奏所揭係司道府州等官令該督撫確審具奏如干連督撫者將具揭官與前任虧空官押赴來京交都察院審明將抑勒之督撫照徇庇例議處如係誣捏枉揭將具揭官交刑部治罪倘前官虧空後官瞻徇容隱出結接受者將欠項坐後官賠補或已經接受至本身離任時始稱前任虧空者將欠項追賠外仍照徇隱虧空例革職

一州縣事故離任將在任已徵未經拆封錢糧于交代前報明原管上司核寔交與接任官另批起解若接任官朦混不入交代作為已任所徵籠統起解者查寔題叅

一官員交代除查捕蝗蝻鄰封相驗以及勘災監賑勘河防



險會勘會審等公出不准扣展外其入關辦事必須局鎖在關准其將奉調入關日期扣除展限

一州縣交代倉糧俱令按限徹底清查如有胥役冒領侵吞捏稱民借照數分別賠完新任官不行查出遽行出結即著新任官賠補還項倘倉穀過多不能依限結報者即交代案內聲明量加展限報部無許于正展限外復請展限

一州縣交代令將倉廩造入交代項內報部若有木植燬爛傾圯滲漏並不修理以致米穀霉爛者許接任官揭報不准接受將舊任官照溺職例革職其霉爛米石勒限賠補如接任官徇情濫受即將接任官照例議處仍令賠修倉

廩並將霉爛虧空米穀著落接任官限一年賠完倘限內不完照例治罪或故為勒捐及交代遲延借詞飾報者該督撫據寔題叅

一州縣交代取結送部時將監盤委員職名一體送部仍令該督撫留心訪查如有交代錢糧數本不足監盤官意存偏袒勒令接收者即據寔叅奏將監盤官依委官盤點錢糧數本不足扶同申報足備以監守自盜論律治罪如藩司不將監盤職名一併申送即照徇庇例議處

一官員交代清楚務將到任出結各日期于文內註明送該管府州加結各按程途日期扣算如冊結在限外到而聲



明在限內出結者由藩司核明是否屬寔將出結日期詳明報部免其叅處倘定限已逾按程計算日期已屆仍無冊結繳司該督撫即行指叅或州縣捏報出結日期並該管府州及司道通同徇隱者該督撫即據寔報叅如限內祇送總結不送欸冊即交代遲延查叅

### 驛站交代

一驛站馬匹限一月內交代如有缺額倒疲新任勉為收受已經出結者舊任官免議將新任官降一級調用如已足額新任官故意求疵不受交代者降二級調用如監查之員徇袒瞻徇照徇情例降二級調用

### 詞訟交代

一正署官員離任時將一切已結卷宗鈐印造冊交存外其未結各案逐一造入交盤冊內交與接任官限一個月按冊查對照造欸冊由該管上司核明詳賚巡道臬司存核臬司查明仍移送藩司入于交代案內彙詳若造送遲延照官員造報文冊遲延例按其違限月日分別議處倘不粘連卷宗照遺失文書例降一級留任已粘連而不用印照漏用印信例罰俸一年已經粘連用印有書役乘機隱匿添改作弊等情照失于查察例罰俸一年未經粘連用印以致抽匿改抹滋事舞弊照失察書吏舞弊文弄法例降



二級調用

教官交代

一教官離任除本學之正副官接署及訓導新舊接卸有正教官在任均毋庸造冊交代外其正學教官交卸限一個月交代逾限不清照州縣之例議處如遇交代期內送考赴省赴府赴州不能回署交代者預行申報俟試竣回署日起扣倘有捏飾嚴叅議處

其附省附府教官仍照舊交代不准展限

離任不委署

一官員遇有應離任時該上司不即委官署理者罰俸六個月

卸任限內出署

一官員卸任後交盤限內即出署另居不得久佔衙舍如不依限出署降一級調用接任官聽其久住不行詳報罰俸一年

盤查藩庫錢糧

一藩庫錢糧奏銷時總督監同巡撫盤查只有總督巡撫之省分令總督巡撫各自盤查出具印結于奏銷本內保題遇有新舊交代定限兩個月盤查如有侵欺虧空督撫扶同徇隱不行題叅一併革職分賠若抑勒藩司那墊濫動以致虧空該司據實奏



聞將督撫照貪官例革職提問

盤查道府庫儲錢糧

一糧驛道庫錢糧奏銷時督撫盤查仍責令藩司先具保結詳送督撫盤查之後如有虧那將藩司照例革職分賠如糧驛二道遇有新舊交代亦照奏銷例辦理至各府庫儲錢糧責成各該道如無道員管轄之府令隣近道員于奏銷時盤查出具保結呈送督撫保結之後查出侵那虧空將各該道均照例革職分賠

司道侵那庫銀許庫官揭報

一藩司鹽道有侵那庫銀扣勒庫官者許庫官徑行揭報該

該督撫巡鹽御史題請議敘以應陞之缺即行陞用其或通同隱匿事發一體治罪如庫官已揭報而督撫巡鹽御史不行題叅照狗庇例議處

盤查州縣倉庫

一州縣倉庫錢糧責成該管府州于奏銷時盤查出結造冊申詳保題不得轉委互查取結了事亦不得預示日期縱令掩飾如有前弊即密委幹員馳往清查如並無虧短將不親詣盤查及預示日期之府州降二級留任如查有虧空即將該府州照通同狗隱例一併題叅革職不得以同時揭報寬其併叅亦不得僅以盤查不寔不行揭報從輕



議以降級留任乾隆四十七年定例州縣倉庫定儲數目每三月彙報一次該管道府查核加結彙送藩司轉申該督撫出其不意抽查

州縣陞任府道交盤委隣封道府結報

一州縣陞任本府及本府陞任本道所有任內經管錢糧等項接任之員一面遵照例限盤清結報一面遴委隣封廉幹道府徹底清查加結詳咨倘委員通同弊混一並查叅嚴加議處仍令該督撫不時訪察如有抑勒交盤掩飾那補及扶同徇隱等弊即行題叅分別議處追賠

雜項錢糧盤查

一雜項錢糧并庫儲兵餉該管上司于盤查時一體盤查出

結倘不實力清查及至交代不清始行揭報將該管上司照盤查不實例查議

不揭叅虧空

一知府揭報州縣虧空布政使不即轉揭或已揭而督撫不即題叅許知府徑報部院將督撫布政司照徇庇例議處仍令分賠

查追虧空

一州縣虧空錢糧倉穀題叅時一面于任內嚴追一面行文原籍將家產原查存案如任所無完即變價補完至徇隱之知府亦于著賠之日將該府原籍房產令地方官查記

一酌增常例內載報捐後所有未完餘欠銀兩以上完之日起予限二年完繳如通限不完已違者解任未違者停選不得得缺後以廉俸扣抵等因



檔案申報上司地方官不將房產查出照狗庇例議處

造冊遺漏

一官員造報各項文冊遲延或限內卸事並違限不及一月及違限一月者俱罰俸三個月違限二月者罰俸六個月違限三月者罰俸九個月違限四五月者罰俸一年違限半年以上者降一級留任違限一年以上者降二級留任違限二年以上者降三級調用其文冊遺漏重開數目舛錯或多開少造遺漏職名者俱罰俸三個月該管各官未經查出據冊轉報罰俸一個月

一府州縣官造報奏銷錢糧冊內有數目舛錯遺漏督撫不

行查出經部查出將府州縣官罰俸一年督撫及轉報司道各罰俸六個月如督撫司道所造冊內有舛錯遺漏亦罰俸六個月

一奏銷錢糧冊結遲延不送或限內卸事並違限不及一月者罰俸三個月違限一月罰俸六個月違限二月罰俸九個月違限三月罰俸一年違限四五月降一級留任六個月以上降二級調用一年以上革職如司道府州縣將冊結申送督撫而督撫遲延不隨各案一併送到者經部查出將督撫違限五月以下者亦照司道府州縣例官處分違限六月以上降二級留任違限一年以上降三級調用



一凡應行完結之錢糧不分晰明白混行造冊之府州縣官降一級調用混行轉報之司道罰俸一年不行詳查之督撫罰俸六個月

一司道自行造冊不分晰明白者降一級留任

多支驛站錢糧

一多支驛站錢糧十兩以上降一級調用不及十兩降一級留任多支後未及一年奏銷之期隨即扣解者罰俸六個月

驛遞公文遲延

一遞送公文遲延因中途猝遇大雨或陰雨連綿河水暴漲

路途泥濘實在阻滯及馬夫因馬驚跌斃或渡河溺斃取有地方官印結報部并逾限一二刻者俱准免議其無故遲延及因別項情由遲延至三刻以上者俱照六百里三百里例分別議處

沉溺緊要公文

一驛站沉溺公文若平常者一角馬夫照律杖六十每一角加一等罪止杖一百提調吏典減一等官又減一等倘事干軍情機密文書不拘角數馬夫杖六十徒一年提調吏典杖一百革役司驛官革職有所規避者從重論

誤揭屬員



一上司將屬員經手事件并月日不行查明錯開揭叅以致本員革職者將申報之上司降二級調用轉詳官降一級畱任督撫罰俸一年如降級調用者將申報之上司降一級畱任轉詳官罰俸一年督撫罰俸六個月如降革畱任者將申報之上司罰俸一年轉詳官罰俸六個月督撫罰俸三個月如降俸住俸罰俸者將申報之上司罰俸六個月轉詳官罰俸三個月督撫免議如誤行揭叅未經處分經部查出係革職降調事件將申報之上司罰俸一年轉詳官罰俸六個月督撫罰俸三個月係虛革虛降及住俸罰俸事件將申報之上司罰俸六個月轉詳官罰俸三個月

月督撫免議

含糊叅奏

一督撫糾叅屬員如有不列款蹟不據寔情含糊叅奏者照含糊具題例降一級畱任

報災逾限

一夏災不出六月下旬秋災不出九月下旬先將被灾情形題報如州縣詳報到省在限外而扣算程途日期尚未逾限者免其揭叅如遲報逾限半月以內者罰俸六個月逾限一月以內者罰俸一年逾限一月以外者降一級調用逾限二月以外者降二級調用逾限三月以外者革職院



司道府州等官以州縣報到日起算如有遲逾照例一體處分其被災分數限四十五日查明造冊題報照例扣算程途將已未達限月日分晰聲明如不依限造冊題報院司道府州等官亦照前例議處至勘災不委廳員印官乃委教官襍職查勘或妄報饑荒或地方有異災水旱等災不在其內不申報者俱罰俸一年若止報巡撫不報總督及被災之時未送印結冊內不分晰明白者罰俸六個月督撫亦照此例議處

被災蠲免

一蠲免銀兩增多減少造入冊內者州縣降二級調用司道

府州罰俸一年督撫罰俸六個月如被災未經題免之先報冊內填入蠲免者州縣罰俸一年該管上司俱罰俸六個月其蠲免錢糧數目于具題請賑之日起再扣兩個月造報題達如有遲延照造報文冊達限例議處

捕蝗不力

一州縣官遇有蝗蝻不早撲除以致長翅飛騰貽害田稼者革職拿問交部治罪府州不行查報亦革職督撫司道不行查叅降三級調用若不速催撲捕者道府降三級布政使降二級督撫降一級俱留任該督撫不得以該道府前經節次督催現在揭報于本內聲請邀免協捕各官不寔



力協捕以致養成羽翼為害禾稼者均革職至州縣捕蝗需用兵役民夫并換易收買蛹子費用准其動公若所費無多自行捐辦寔能去害利稼者奏請議敘其已動公項仍致滋害傷稼者奏請著賠

### 捕蝗議敘

一凡有蝗蝻地方文武官弁能合力搜捕應時撲滅者紀錄一次

### 侵蝕蠲賑

一凡遇灾荒之年州縣官不將民之苦情詳報上司者革職永不敘用若州縣已經詳報上司並不准接題達者亦革

職至于賑濟被灾之民及蠲免錢糧州縣官有借民肥己使民不沾寔惠等弊照貪官例革職拿問院司道府州等官不行稽查令州縣任意侵蝕者俱革職

### 失察書役扣剋蠲賑

一地方時值偏灾蠲免賑濟倘有書役暗中扣剋詭名冒領該州縣漫無覺察者降二級調用至平糶借穀州縣官不寔力稽查致書役包買漁利勒捐出入者降一級調用如胥吏人等有前項等弊州縣官故為容隱者革職

### 輸納錢糧不照數給票

一錢糧令民自封投櫃照數填寫給與印票如有紳衿及上



司衙役包攬等弊該管官不行查出罰俸一年至州縣官有完糧之民勒令不許填數及不給印票者革職拿問司道府明知不報革職詳報督撫不行題叅降五級調用

違例支給

一凡正項錢糧未經解送先給官役俸工或不按季給發全給重支或違例給發錢多銀少者俱降一級調用轉詳官罰俸一年督撫罰俸六個月

濫委解員

一起解兵餉協餉漕糧本色顏料等項該管司道府等官不委現任佐貳濫委廢官匪人解送中途誤失者原委官降

一級調用並無誤失罰俸一年如委現任官解送中途誤失者原委官罰俸六個月如解官侵欺潛逃者原委官降一級留任如不增差官批內填寫差官均罰俸一年

委解藉病規避

一官員委解各項差務藉病推委規避者革職

違例起解

一官員將不應起解之錢糧違例起解者罰俸一年或應解本色解送折色者降一級調用



藩署之中政務殷繁款項冗雜余於公暇乘間摘記數條  
不數年而輯成一書不過敘常年應行及遇事辦過之案  
區分內外之欸以助初學入門之路非可為不易之成規  
也後之學者如入其門而能考察其精微審辨其來厯始  
末既知然後舉措有主利害因之而明緩急賴此而辨不  
致隕越貽羞所謂曾講習於平時庶可措施于一旦凡在  
趨公者諒有同心非敢自負己長而好為人之師也故援  
筆而為之記

道光七年六月既望平江後學鵞洲華琳謹識於薇垣官  
舍



